

南安縣志

(三)

洪廷桂 廷實第字德馨戊戌進士

世宗嘉靖十六年丁酉科

章日闇 字爾實晉江縣學中式第一名有傳

世宗嘉靖十九年庚子科

王承箕 字維肖湖廣沅州知州

世宗嘉靖二十二年癸卯科

柯元應 信子字思長泉州府學中式

黃大節 字克完順天中式庚戌進士

世宗嘉靖二十五年丙午科

傅陽明

字際熙順天中式南陵知縣有傳

黃襄

字國春晉江縣學中式己未進士

世宗嘉靖三十一年壬子科

黃思近

字與仁壬戌進士

世宗嘉靖三十四年乙卯科

黃一桂

字馨甫濟南通判有傳

洪有容

字江山知縣

黃中本

字應果儒士中式

世宗嘉靖三十年戊午科解元黃才敏

歐陽模

字宏甫 己未進士

沈維龍

字震

廣東雷州通判有傳

洪有第

廷實子字

己未進士

黃南金

天爵孫字有礪 禹州知州

世宗嘉靖四十年辛酉科

洪有復

廷實姪字懋純 晉江縣學中式 庚辰進士

余日望

李文績

字

湖廣常德府同知有傳

呂沛

陳學伊

字爾聘壬戌進士

林大柱

浙江遂安知縣

世宗嘉靖四十三年甲子科

趙秉教

字恒守泉州府學中式辛未進士

穆宗隆慶元年丁卯科

戴元佐

廣西義寧教諭中式南城知縣府志誤載庚午科

穆宗隆慶四年庚午科解元林奇石

黃澹溟

字堯甫改名一楨未嘗知縣

傅履階

陽明子字則及丙戌進士

林仕甲 字擢程 武定州知州

黃師顏 天爵孫 字有發 甲戌進士

黃思諸 河清姪 字有樂

蘇希棻 字于欽 甲戌進士

傅履重 陽明子 字則弘 河南府通判

洪有聲 庭實姪 字懋文 甲戌進士

黃思新 璿子 泉州府學中式 勸勒州知州

神宗萬曆元年癸酉科解元蘇濤

史書言 朝錄子 晉江人 湖鄉知縣

王以節

承箕子字誠甫長清教諭

傅履禮

陽明子字則庸庚辰進士

張而綱

字鍾楚岷府長史

傅道唯

字時化雲南副使

萬曆四年丙子科

鄭維嶽

字申甫雋士中式第二名曲靖屬知

洪啟采

字爾巖許州知州

洪有助

字懋遜壬辰進士

傅慶貽

字有積丙戌進士

萬曆七年己卯科解元陳文選

洪宗堯

內鄉知縣

張宇薦

字道相新寧知縣有傳

洪邦政

平海衛教授

徐博卿

字君導梁山知縣有傳

傅道統

字寅修泉州府學中式丙戌進士

傅賓鳳

字邦瑞泉州府學中式己丑進士

萬曆十年壬午科

黃培祺

襄子字以恒改名魏唐縣知縣

柯有斐

信孫字展夫戶部郎中有傳

陳應堂

字獻甫戊戌進士

鄭啟芳

羅定州學正

蘇朝陽

字廷鳴順天中式廣西柳州府知府有傳

萬曆十三年乙酉科解元李光縉

洪啟睿

有第子字爾介壬辰進士

黃鼎象

廣東南雄府通判有傳

李應先

表涼州知州

陳榜

備士中式

戴廷詔

儒士乙未進士

王孟遊

以節孝承箕箒江儒士中式

萬曆十六年戊子科解元潘洙

黃之瑞

鉞孫字

改名華瑞南京國子監助教

黃華秀

之瑞弟字居約己丑進士

傅樂

宣夫

洪啟聰

有復姪字爾達甲辰進士

李櫟

字以新安溪縣學中式己丑進士

萬曆十九年辛卯科解元黃志清

黃一良

河清姪孫字敬甫戊戌進士

黃岑

妻于字胤楚泉州府學中式

萬曆二十二年甲午科解元王畿

吳宗周

字熙偉鄭州知州

呂圖南

字爾搏晉江人戊戌進士

柯岳瑞

字五襄廣西柳州府知府

黃魁榜

字

萬曆二十五年丁酉科解元洪承選

洪承選

有第孫字彥修中式第一

許國村

字

崇禎丙子進士

王繼魯

良柱孫字孝侯泉州府學中式庚戌進士

陳用舉

字

泉州府學中式天長知縣

黃翼登

字學衡湖廣武昌府同知有傳

黃日耀

一良姪字穉晦時年十五中式

萬曆一八年庚子科解元周起元

黃毓鎮

師顏子字爾甫

莊時講

晉江人漳浦教諭

傅國俊

夏鼎姪字有遠泉州府學中式戶部員外有傳

洪啓進

有聲姪字爾昌晉江縣中式廣東廣州府同知

洪啟初

有聲子字爾還順天中式癸丑進士

萬曆三十一年癸卯科解元林欬楫

吳日懋

泉州府學中式

李邁種

撮從第字自進山西陽曲知縣

張士旂

晉江人西充知縣

萬曆三十四年丙午科解元郭應響

李佺臺

應先子字仲方經魁丁未進士

蔣爾第

字從基應大蘇州府同知

黃夢松

字長卿壬戌進士

張鼎瀚

而綱

姪孫字宗觀湖廣蘆溪知縣

萬曆三十七年己酉科解元周迪

周恩兼

字然茂晉江人丙辰進士

蘇兆先

字爾開己未進士

張鼎濬

鼎瀚從弟字宗禹

王振熙

字君舍庚戌進士

王銓遴

承箕孫字士章

洪啓胤

字爾魯晉江縣學中式雲南副使

李楚龍

字德虞晉江人庚戌進士

萬曆四十年壬子科解元高崇毅

韋毅

向賢孫字福之廣陽縣教諭有傳

王璧芳

晉江人 知縣

吳天策

字元夫晉江縣學中式己未進士

潘士望

惠安縣學中式

萬曆四十三年乙卯科解元甘汝挺

洪承疇

字彥演丙辰進士有傳

王萬金

字世績晉江人壬戌進士

黃鐘字

晉江人

林應燿字

王之驥良杜自孫字德卿晉江人中式戶部郎中

傅元初字子初晉江縣學中式戊辰進士

陳炬奎字子羽泉州府學中式己未進士

倪光遠字萃甫晉江人廣東程鄉縣知縣

萬曆四十六年戊午科解元戴國章

王廷遴字士贊

楊榮字五甫江西副使

蘇世祿

字徽功改名夢榮萬州知州

陳標

字若木戶部主事

黃學元

字銓熙惠安縣學中式乙丑進士

洪啓烜

有助子字爾駿順天中式傅羅知縣

熹宗天啓元年辛酉科解元范方

是科特恩加額三名共九十八人

李應翔

字安溪人中式第二名

洪承楷

啓初子字彥法

蔡應京

字國觀晉江人改名邦明

謝玄珧

字夏甫乙丑進士

蘇九潤 字爾霖 中江知縣

郭琦第 字

韋龍光 字修卿 晉江縣學中式

黃鏜 本姓劉 晉江人

傅文龍 字見卿 壬戌進士

王龍震 字長甫 晉江縣學中式 戊辰進士

李敷明 字 同安縣學中式

黃鍾彥 字 順天中式

天啓四年甲子科解元程祥會

郭符甲

字

晉江人癸未進士

李日燁

字含甫安溪人乙丑進士

莊徽繡

字

晉江人

洪啓遵

啓進弟字爾鴻戊辰進士

吳起元

字

同安縣中式

天啓七年丁卯科解元戴震雷

洪孟纘

字世萃全椒知縣

朱希萊

字伯宰晉江人辛未進士

吳嘉生

字尊之晉江人

黃雲 字子奏

張康樂 字台元晉江人

吳澧 天策從姪字孟濟泉州府學中式戊辰進士

傅啓光 樂姪字瞻卿順天中式戊辰進士

懷宗崇禎三年庚午科解元張能恭

林星輝 字繼之晉江人

張翹楚 字子愷晉江人

洪承紱 啓庸子字彥來晉江縣學中式湖廣孝感知縣

歐陽承東 模子字懋寅泉州府學中式

張鼎涓

而綱孫字宗魯泉州府學中式庚辰進士

懷宗崇禎六年癸酉科解元陸希韶

柯鳳偉

有斐子字懋可

張蒞夫

字爲鄴改名泌夫

陳歲蒨

字喬岳改名履貞癸未進士

張鼎相

而綱孫字宗可泉州府學中式福州教授

洪士弘

啟庸孫字伯大晉江縣學中式廉州推官

黃中艮

字增馨德化縣學中式

黃光藻

字彬叔順天中式

崇禎九年丙子科解元蔡高標

黃朱勗

字勉之

本朝西充知縣

黃廷旦

字碩甫

本朝禮部主事

趙甲謨

字俞言潮州推官

陳升聞

字季文

黃其達

字增欽

郭瑄第

瑄第從弟字丙奏

本朝壬辰進士

王龍賁

龍震從弟字居甫
進士

順天中式癸未

崇禎十二年己卯科解元鍾垣

謝象琰

字雅甫中式第二名

黃其昌

本姓林字俞卿中式第五名

洪承儒

啓聰子字彥真 本朝教諭

丘蚤春

字憲章

洪垣星

字日生庚辰進士

楊光堤

字及一

陳亨衢

本姓洪字彥端晉江縣學中式 本朝教

懷宗崇禎十五年壬午科解元何承都

是科 特恩

黃士猷

字爾程晉江人癸未進士

加額

王一馭 字統卿

趙拱璧 字崇琦 長春教諭

李雲渠 字可溥

黃維環 字士崑

張殿偉 字玉珩

王壽 字仁叔

沈佺期 字雲夏 晉江縣學中式 癸未進士

蘇樞 字雲木 泉州府學中式 改名堯松 本朝
丁未進士

本朝舉人題名

順治二年乙酉禮部奏准鄉試以今年爲始
自後俱仍以子午卯酉年舉行二年丙戌
詔天下再舉鄉試

世祖順治五年戊子科解元李惟華

王鍾鳴 字侯書 惠安人 莊溪知縣

陳嘉誼 字備誠 松溪教諭

黃隆 字增芬 泉州府晉江人 戶部郎中

世祖順治八年辛卯科解元陳聖泰

李元錄

佐臺子字七廣易門知縣

吳朝棟

澧子字克特惠安縣學中式

葉獻論

字日卿安溪縣學中式壬辰進士

世祖順治十一年甲午科解元熊巨忠

何承寵

承藩兄字天士晉江人

張殿樞

本姓陳字備樞

洪士龍

字彥飛晉江縣學中式改名承龍甲辰進士

黃啟漸

鼎象子字叔達固始縣知縣

蘇潤

字季樞晉江縣中式乙未縣知縣

科目志之三

唐薦辟

卽鄉舉里選遺意前代世遠莫考

唐一人明初二人後遂廢

黃

擘

以文學舉天德軍從事後黜爲湖陰令有傳

明薦辟

洪

慶

以經明行修舉合州訓導

傅仁孚

字志及以懷材抱德舉大興教諭有傳

張襄惠公論曰今科目獨重而薦舉之法幾廢何

故蓋科目以無心取之縱不得人有司得以自委
曰吾觀其文焉爾若薦舉以名求之以實應之一
不相副不疑於私則病於蔽舉人者與舉於人者
弗受其責焉其勢不敢以輕則必至於難而廢矣
此論誠是然尚未及究觀其流弊也若以行之今
日徒爲賄府豈不深可慨哉

唐鄉貢士

歐陽汴 光祿二年

宋鄉貢士

歐陽訓 真宗景德

歐陽簡 哲宗元祐

歐陽琰 政和二年知陝州

歐陽鈞 未詳

葉穎中 建炎己酉鄉貢第一

葉廷瑞 紹興甲子請舉預鄉荐第一

葉緯

紹興己卯請舉鄉貢第一

葉廷繪

淳熙甲子請舉第一

葉秀實

開禧三年鄉貢士

歐陽巍

嘉定六年癸酉鄉貢士

葉秀發

嘉定六年癸酉鄉貢士第一 有坊在那雙門前

葉道子

寶佑戊午請舉鄉貢第一

葉定叔

紹定己丑預鄉荐任州學

葉度宗

景定甲子請舉第一

明洪武中

王善繼

鄱陽主簿

楊性

寧波推官

劉觀成

巴陵知縣

王文貴

襄陵典史

余壽

旌德主簿

高中

交趾推官

李愿

萬州主簿

林宏

武靖衛經歷

楊名賢 交趾主簿

永樂中

葉升聞 交趾縣丞

王珪 沂城主簿

陳養 新會知縣

林暢 萬州通判

張傳 戶部員外

張式 廣東知縣

徐貴 正統中知臺縣公平廉幹深得民心秩滿
臺民奏留復知縣事

胡璋 會同知縣雷州通判

李琪 傳見循績

張錫 雷州通判

張寬

陳章 吳川訓導縣志作璋

楊觀 黃波知縣

宣德中

徐璉 廬陵縣丞

李應 海寧衛知事

莊鳳 捐陽縣丞

蔡蕃 按察照磨

蘇啟 景陵縣丞

黃賢奴 海陽主簿府志不載

正統中

吳謙 龍南知縣

鄭賢 安慶通判

莊孟良 諸暨縣丞

胡璉 雷州訓導

黃乾亨

陳勝 傅羅縣丞

吳遜

景中

黃傳

賓州判官

李乾

吳義

黃嘉

曲江知縣

天順中

謝芳

會稽訓導

陳澄

定遠訓導

楊雍

李旻 處州訓導

成化中

蔡育 飛揚衛經歷

馬靖

呂和

洪昌 常州訓導有傳

趙聰 文州訓導

梁隆

黃釗 順德訓導

洪璽 定昌縣有傳

陳徽

弘治中

李蘭 沛縣訓導

黃聚 安慶教授

王秘

黃天錫 以子河清貴封

柯信 甲子應天中式

吳申 諸暨縣丞有傳

徐禮 潮州訓導

李署 徐聞訓導

王疇 常寧訓導有傳

林清 吳江訓導

正德中

黃麒 宜興訓導

宋晟 高要訓導

韋生 石門訓導

洪表 祈門訓導

傳鳳 上道訓導

傳翰偉 安慶訓導

陳鵠

黃存省 淄川教諭

黃廉 慶元訓導

嘉靖中

許拱

傳翰奇 長樂訓導

傅孟 新塗訓導

陸順貞

教諭

黃金綬

教諭

黃儀

松江訓導

傅琮

鳳子饒平訓導

黃大節

星子行通學選貢例癸卯順天中式

黃浙清

嘉孫海陽教諭

傅鏊

廉州教授

洪成之

王府教授

陳嘉猷

傅陽明

丙午順天中式有傳

洪庭芳

蘇州訓導

沈洪

增城教諭有傳

戴元佐

廣西義寧教諭丁卯中式

黃秀

積溪訓導

黃天衢

麒麟于容城知縣

黃存仁

琮子飾善訓導

彭庭誨

龍泉訓導

蔣自修

訓導

洪 彩 明洋教諭有傳

黃江清 臨海訓導

傅翰表 電白訓導有傳

隆慶中

洪有秩 有職是年戊辰以恩例部通學廩生考選有傳

傅陽道 惠州訓導

傅春容 高州通判

萬曆中 三年乙亥至九年辛巳行選貢例

黃必健 元年癸酉恩貢訓導

洪宗德

元年癸酉歲貢訓導

王繩武

三年乙亥選貢思州學正

黃懋中

天錫孫五年丁丑選貢蘇州通判有傳

黃中宏

七年己卯選貢建安教授

蘇朝陽

九年辛巳選貢壬午順天中式

陳學孔

興化教授

陳良言

龍溪訓導

章敦資

日閣子

黃思詔

天錫孫廷授訓導

黃中久 感恩知縣

洪鍾英 選貢瑞州推官是年復行考選

黃思謨 嘉孫建陽訓導

曾道唯 延平訓導

黃全震 訓導

黃懋基 訓導

洪有觀 有助兄仙居知縣

張振龍 侯官訓導

洪庭翹 仙遊訓導

洪宗我

訓導

黃自會

李雲龍

張宇泰

陳子立

陳應燭

黃家柱

陳懋宗

建寧教授

大啓中

陳安民 永春歲貢 益府長史

傅啓光

九年辛酉恩貢丁卯順天中式第七名

洪時研

恩貢

王應期

知縣

黃拱奎

蘇州平

訓導

黃光藻

癸酉順天中式第七名

崇禎中

李奇慎

九年戊辰恩貢

傅資奎

鎮安推官

黃廷華

林轉亨

廉州知府

洪楚產

承畿第己卯副榜第

名准以順治丁酉

黃瑞燧

己卯副榜知縣

許鼎燿

己卯副榜推官

傳出震

大埔教諭

黃承芳

有傳

曾灝

黃景煥

本朝龍溪教諭

黃甲俊

西城兵馬司指揮使

傅景星 國子監博士

本朝貢士

順治中

黃中燦

李雲景 戊子副歷官按察司僉事

王鳳珣 武平訓導

潘正開 永和知縣

李肇豐 本姓蔡義寧知縣

高生春

陳駭

楊邦槩

吳賚至

李襄猷

濮州州判

許日旭

洪承畿

戶部主事

洪承開

謝廷桂

元琬子考選州同

張仕琰

黃麗兼

曾琦觀

陳祖姚

莊榮祚

康熙中

謝允鰲

林逢元

科目志之五

明例監

李

琪 懷集知縣有傳

黃應祖

黃滿榮

宜平主簿

傅履約

中都留守經歷有傳

黃冽清

上海縣丞

黃養仁

鄭欲大

晉之子

陳學潛

李志輝

高要主簿

黃養道

澄子

黃迪

天爵子

黃思述

瓚子

黃紹獻

登獻弟

黃學詩

迪子

傅履緒

京衛經歷

傅履章

江陰縣令

洪有篤

曾自復

黃家樞

陳孚衷

洪養濂

黃存濟

李瑀

李文志

洪啓唯

主簿

縣丞

主簿

貴縣縣丞

主簿

建昌主簿

有復子

李廷綸

洪啓東

啓采弟

陳效衷

儲秀子鴻臚寺序班

黃登獻

河清孫

傅履統

傅履絃

傅 寀

文龍叔

陳愚衷

儲秀子陸涼衛經歷

黃覲光

紹獻子

洪啓烜

有助子萬曆戊子順天中式

洪應時

宗堯子

洪徵龍

洪鴻謨

王士泓

王鴻卿

黃拱垣

瓚孫改名鍾彥天啓辛酉順天中式

黃拱昌

思新子

黃中烜

思近孫

洪啓初

有聲于萬曆庚子順天中武

呂宗瑞

李之慎

李夢琪

陳邦觀

儲秀孫

陳應絃

儲秀孫

黃膺福

養蒙孫

本朝例監

黃吉

廷旦子

洪承嗣

黏士鳳

本盛子

薛雲奇

吳佐昌

愈聖姪

王鵬昂

洪奕鰲

洪士鐸

姜渭

蘇志清

蘇廷相

科目志之六

封贈

王者以孝治天下故自一命而上凡考績有成皆得疏恩以及其所自出君恩重矣所以勵臣子之報當益深也寧獨以修履榮已乎故並載之以垂勸焉

明

蔣 範以子疇封御史

徐應宗以子貴贈亳縣知縣

傅振以子凱贈戶部主事

胡文以子詢封戶部主事

黃驥以子天爵封戶部主事

黃天錫貢士以子河清封太常寺少卿

韋祥以子尚賢封戶部主事

黃邦胤以子贊贈戶部主事

黃德平以子澄贈刑部員外以孫養蒙贈戶部侍郎

郎

黃登嘉靖癸未進士廣東僉事以子養蒙累贈

戶部侍郎

鄭元以子普封無錫知縣

王海以子良桂封中魯

陳樂以子儲秀封御史

黃天鑑以子濂清封太平推官

傅齡以子夏器贈禮部主事

黃存實以子大節贈戶部主事

黃柯以子襄贈御史

黃自勉以子南金封桂平知縣

陳端卿以子學伊贈戶部郎中

趙大中以子秉孜封戶部主事

洪庭秀以子有聲贈揚州同知

黃道以子師顏贈御史

鄭陽時以子維嶽贈五河知縣

洪宙以孫有復贈湖廣左布政

洪庭蘭以子有復贈湖廣左布政

柯元登以子有斐贈戶部員外

黃淥清以子懋中封封川知縣

蘇源以子朝陽贈柳州知府

傅宗叔以子道統封戶部主事

傅天球以子賓鳳贈中書舍人

黃思孝以子華秀贈鄱州推官

洪庭實以孫啓睿贈浙江按察使

洪有第嘉靖己未進士新城知縣以子啓睿累贈

浙江按察使

洪以誥以子有助累贈廣東副使

洪有恒以子啓承贈許州知州

李楠以子應先贈新昌知縣

黃鍾聲以子鼎象贈臨安知縣

戴晏以子廷詔贈兵部郎中

呂鑑以孫圖南贈通政使

呂宗榮以子圖南贈通政使

黃思通以子翼登贈武昌同知有傳

張欽之嘉魚教諭以子而綱贈浦江知縣

張而綱岷府長史以子霄晉階奉政大夫

傅陽升以子履緒贈南京留守經歷

陳學朱以子應堂贈大理寺評事

傅宇容以子國俊贈戶部員外郎有傳

王良柱嘉靖壬辰進士工部郎中以孫繼會贈太

僕寺卿

王 炫以子繼會累贈太僕寺卿

王 阡以孫振熙贈浙江叅政

王儲梧以子振熙累贈浙江叅政

洪有秩貢士以孫承疇贈陝西叅政 傳

洪啓熙以子承疇封陝西叅政累封巡撫 綏右

金都御史

洪有興以子啓胤累贈雲南副使

蘇維毅以子兆先贈刑科右給事中

吳望裕以子宗周贈興國知縣

陳拭以子烜奎贈刑部主事

吳開先以子天策贈湖州推官

傅檄以子文龍封大理寺評事有傳

黃齋石以子夢松封寧國知府有傳

謝卿以子玄珖封禮科給事中

吳萬鍾以子澧封戶部主事

王浚卿以子龍震贈御史

傅 榮以子啓光贈戶部主事

洪有巖以子啓遵贈吉安推官

洪佩珪以子垣星封兵部主事

張 霖貢士候選知縣以子鼎涓累贈廣東副使

沈廷章以子仝期贈御史

黃啓昇以子甲俊贈兵馬司指揮使

王士泓以子龍賁贈禮部主事

傅作敏以子景星贈國子監博士

本朝

洪以詵以曾孫承疇累贈太傅大學士

洪有秩以孫承疇累贈太傅大學士

洪啓熙以子承疇累贈太傅大學士

洪啓汴以子承畿贈戶部主事

蘇彥先以子潤封文縣知縣

科目志之七

書廡

國家優禮大臣類有序廡自唐宋迄今厥典不廢
朕其服官効職亦顧所自立何如耳南安舊志所
載若而人不容畧也故仍紀如左

宋

黃 夔以父旦廡歷知七州

傅 倘以父惟肖廡肇慶知府

王顯世以父侃廡授興化錄事參軍

諸葛直清以父瑞應廣州通判累官奉直大夫
李綸以父際應補提舉廣東常平

明

黃鳴勳以父養蒙應沔陽知州

本朝

洪士銘以父承疇應國子生見進士

科目志之八

按武科昉自唐世而前此載乘俱不及詳南安是於舊志者惟宋明寥寥數人耳我

國家以武功一海內鷹揚競奮用佐文德近復設武學以預養之而科目名數廢與文等故郡邑之獻于司馬者亦必謹志其姓氏焉

宋武進士

淳熙二年乙未科

黃甫

知吉陽軍

淳熙五年戊戌科

黃

且

甫弟武經郎知欽州

明武進士

崇禎元年戊辰科

李夢麒

指揮使廣西右營都司僉事

崇禎十三年庚辰科

鄭鴻達

山東登萊副總兵以剿鎮江九江諸寇叙
功封伯爵晉定國公

明武舉

嘉靖二十八年己酉科

張思伸

嘉靖三十一年壬子科

傅應嘉 建寧府都司

傅履謹

嘉靖三十七年戊午科

傅履謹 再捷

嘉靖四十三年甲子科

陳繼鵬

傅楠

履謹子

隆慶元年丁卯科

陳繼鵬

再捷

蔡君命

萬曆二十二年甲午科

傅案鳳

萬曆三十四年丙午科

陳邦材

第二名

潘澤

萬曆四十六年戊午科

歐陽瑞會

深會孫模長孫襲廕陞泉南遊擊

天啓四年甲子科

黃龍起

天啓七年丁卯科

李夢麟

戊辰進士

蘇甲先

崇禎三年庚午科

六年癸酉科

鄭芝鳳

芝龍弟改名鴻達
中崇禎庚辰進士

王

翼

甲戌副榜

崇禎九年丙子科

林春

本姓徐改名永泰

傅崇

江銅營把總

潘君郁

崇禎十二年巳卯科

張鼎新

廣東陽山營守備

崇禎十五年壬午科

馬爲龍

潘榮武

本朝

順治十四年

科

蘇遇文

李元烈

康熙年癸卯科

張斌

康熙八年己酉科

王裏彥
本姓何

王奇勳

明武職

歐陽滌

納級授泉州衛指揮僉事陞署都僉
陣亡贈忠毅將軍有傳

歐陽樞

深次子襲襲陞署糧司

黃綸

納級授泉州衛指揮僉事

張嘉謀

任貴州都指揮使

鄭芝虎

芝龍弟以剿山海寇功授備

黃正陞

五軍左都督

科日志之九

恩敘

國家當開創之初類必有無知墮子弄兵山海
固不服犯我顏行者我

皇上柔服綏貳恩數特異故凡知命歸化者一切
待以不次武自公侯伯而下文自藩臬而下皆不
惜踰級以優異之甚且隆以世及之典立賢無方
視古有加焉爰志恩敘以附於科日志之列云

鄭芝龍石井人崇禎元年從海上來歸授守備加

遊擊擒李魁奇殲鍾斌於外洋海寇始平四年冬
武平山寇陳萬鍾凌秀作亂中丞熊爰燦命芝龍
兄弟往討之陳萬就擒鍾凌秀請降捷聞陞參將
實授遊擊其弟芝虎驍勇絕倫衝鋒擒斬多出其
手亦實授守備焉旋又敘平海寇功晉潮漳總兵
加都督同知明末封南安伯晉平國公追

本朝順治三年貝勒入閩芝龍以所部殺誠授精
奇尼哈番其子成功在海上收集舊部攻泉州不
克遂陷同安從此安溪永春惠安皆望風披靡又

攻圍南安五閱月不下旋以三部堂大兵至泉州遁去已復圍漳州攻下縣邑以十數遂據海澄世祖特遣近臣撫諭之授以公爵成功就見于安平鎮以不受削髮登岸之命旋復入海

上聞之怒乃徙芝龍于寧古塔命貝子將兵

討之卒克而旋順治十六年秋成功由浙江抵達南破鎮江遂逼江寧大江南北諸郡縣聞風震動後爲崇明總兵梁化鳳所敗乃遁入海

上復遣將軍達素攻之以不諳海道反爲所破今

上立乃誅芝龍遷沿海居民以絕之成功遂移師
澎湖攻下臺灣據爲巢穴焉未幾病歿

鄭芝豹芝龍弟前錦衣衛指揮使封澄濟伯

本朝授左都督

鄭世襲芝龍子康熙二年由海上投誠隨進京授
精奇尼哈番加一級仍賜母子完聚

鄭鳴駿前同安伯康熙二年率所部兵弁二千餘
人由泉州港登岸投誠聞于

朝特授遵義侯及卒賜祭葬仍以其子續緒襲

爵焉

鄭纘緒前建平侯鄭泰子康熙元年泰遣部下楊
來嘉詣闕奏請歸命旋被成功子鄭經羈候數
日泰自經死遺命囑弟鳴駿子纘緒等率所部兵
丁船隻入泉投誠特授慕恩伯後海上聞風相率
來歸朝廷嘉其功及卒仍以其子修典襲爵焉

鄭纘員 左都督

傅贊 都督僉事

洪福 都督僉事

黃瑞光

正陞子守備山西太原左衛管千總事

陳載

遊擊泉州鎮標中軍

林興珠

乾州副總兵

鄭第先

叅將彝陵鎮標中營中軍

恩敘文職

鄭纘祖

布政司叅政

吳慎

盛京僉事

顏文瓚

襄陽通判

洪瀛選

臨洮通判

洪符圖 廬州通判

傅爲霖 贊子松江通判

傅君錫 贊子同州州同

鄭築英 奇嵐僉事

科目志之十

明掾職

梁勗

文昌縣丞

吳從龍

黃岡典史

柯案舉

長壽典史

王居守

吳縣典史

王揚寶

昌國衛經歷

陸萬鏞

桂林府中衛經歷

陳策

安塞典史

李開瑞 太倉衛經歷

黃璉 温州府倉大使

鄭登翰 餘姚典史

張衡 湖口典史

洪世臣 松柏灣巡簡

黃文奎 羅城典史

林應煥 撫州府稅課司

吳憲臣 順天中義衛經歷

蘇欽進 海晏場場官大使

郭維藩

新建縣昌邑司巡簡

陳聖恩

長洲縣吳塔司巡簡

吳沛

倭州倉大使

莊哲

順天永平稅課

徐高

瓜州關官

周嘉賓

彭縣典史

王明

建昌典史

黃日登

湖廣監簡

蕭嗣節

績溪典史

張一珍

汝上典史

楊廷祥

饒平典史

傅璣

南京金吾後衛經歷

黃應期

東昌府開官

南安縣志第十二卷終

南安縣志第十三卷

人物志小引

古今賢士大夫與夫隱士貞女其忠孝節烈之槩
皆山川間氣所鍾是則人以地傑而地亦以人靈
番諸史冊流光鄉黨論人於其鄉固其所也間有
生於此而寓移於彼生於彼而寓移於此者一失
于詮載而姓名遂以湮沒弗彰者多矣詎非司世
者之責歟作人物志第八

人物志之一

唐寓賢列傳

秦系字公緒會稽人天寶末避亂剡溪大曆五年留
守薛兼訓得其文奏爲右衛率府倉曹參軍以疾
辭不就爲詩長於五言與劉長卿韋應物友善每
相屬和權德輿評之日長卿自以爲五言長城系
偏師攻之矣應物答系詩亦有五言今日爲君休
之句久之客遊泉州隱於九日山結廬大松下穴
石爲研注道德經者彌年自號東海釣客刺史薛
播數往候之系未嘗一至其門姜公輔謫泉見系

輒窮日不能去因築室爲隣日與往還張廷芳聞
其不可致請就加校書郎其後東渡秣陵年八十
餘卒土人爲之立亭曰秦君亭號其山曰高士峯
姜公輔日南人唐德宗朝爲諫議大夫同中書門下
平章事德宗幸山南長安公主從行薨于道詔所
司造塔厚葬之公輔諫曰非久克復京城公主必
歸葬今方在道宜從儉以濟軍興德宗怒左遷爲
左庶子尋以毋喪解歸服闕補右庶子久不得遷
陸贄爲相公輔語以已沉滯意贄密謂曰竇丞相

擬公轉官者屢矣上旨不允也後貶泉州別駕到
泉聞秦系居九日山往見之遂大相得築室與系
相近順宗立拜吉州刺史未赴而卒系爲葬之山
中憲宗時贈禮部尚書宋蘇紳大書姜相峯三字
刻于九日山之石磴

韓偓字致光京兆人唐龍紀元年進士累遷諫議大
夫翰林學士昭宗幸鳳翔進兵部侍郎承旨昭宗
勵精政事偓處置機密率多稱旨欲遂相之固讓
不受朱全忠忌其能貶濮州司馬昭宗執手流涕

日左右無人矣再貶榮懿尉徙鄧州司馬

弒哀帝復召爲學士還故官僇不敢入朝挈族依
關王審知寓居南安三年復有前命僇復辭爲詩
曰豈獨鴟夷解歸去五湖漁艇且備糟是年全忠
篡唐爲梁乾化三年復召辭不往明年梁亡均王
十一年卒于南安龍興寺隱所著有內庭集金鑾
別記自貶後以甲子自記所在其詩皆手寫成卷
朱嘉祐間裔孫奕出以示人龐穎公籍取奏之詔
授奕一官施昌言帥杭日取其詩最全者二十篇

刻之石世傳僱別本有香奩記率艷麗之辭葉石林謂僱兩召不行非特避禍也終身不食梁祿其大節蓋表表云

宋寓賢列傳

王安中陽曲人舉進士歷秘書省著作郎徽宗見其箋表謂爲一代奇才累遷御史中丞數言事以宣撫使知燕山府時郭藥師同知府事跋扈專行安中不能制後藥師叛論者併及之貶象州安置于辟章知泉州迎之就養愛九日山往來遊觀有終

隱之志卒葬邑之葵山著有初寮集李文肅即為之序

元寓賢列傳

黃貞仲至正間居南安舊志與郡志俱不載其始末
僅見於名宦傳為張夔修復水利記蕭然古韻是
殆以文學表著者乎

明寓賢列傳

羅倫字彞正末豐人成化丙戌進士第一人授翰林
院修撰以疏阻大學士李賢奪情忤旨謫提舉

泉州市船司倫自幼厲志聖賢之學及抗疏落職
直聲震天下至泉有司率諸生從之講明正學時
時逃寂岩壑間於南安片瓦巖特所心賞裴廼賦
味有仙家白晝應無夜玉樹長春未覺秋之句未
幾召還南京尋乞歸里居數年卒嘉靖中御史聶
豹于城北建一峰先生書院祠之以待學者焉今
尚存

人物志之二

唐名賢列傳

歐陽詹字行周父溫州長史兄暮固安丞晉潮州司
倉自爲童子時不與群兒狎行止多自適每水濱
巖畔片景可採心輒娛之常手一編隨人質問或
有契心欣暢移日會故相常袞爲闕觀察使竒其
文特加推拔每宴集必致之德宗貞元八年陸贄
知貢舉所得士若韓愈李觀李絳崔羣王淮馮宿
庾承宣皆一時之選而詹與焉授四門助教會韓

愈自徐州從事至京師詹將率其徒伏闕下與愈
爲博士未逮而卒年四十餘詹事父母孝與朋友
信義其卒也崔羣哭之勸韓愈爲哀詞李翱爲作
傳有文集十卷李貽孫序之謂其新無所襲才未
嘗困精於理故言多周詳切於情故叙事重複宜
其同當代文柄以變風雅也今集序與詞具在子
櫝居南安亦有文名孫澥能詩俱蚤夭從子矩
按詹故南安人南安縣志久廢故或以譜入晉江
或以譜入莆田然邑治之南有應魁一爲詹登第

立衣錦坊爲簪榮歸立十一都高蓋山詹母墳在
焉李貽孫序其文集謂公之子櫝自南安來求序
則詹爲南安人審矣詞志載詹與王式讀書蒲陽
五載去家四首里餘晨昏之思忽至便奔馳慰奉
不憚在還則公非莆人不亦昭然可信乎故特爲
辨析使論世者得稽其實焉

歐陽稚字降之工文詞舉開成三年進士吳人陸滂
自右拾遺棄官歸召除司勳郎中旣至無所建明
稚遺書讓之詞極切直滂得書復棄官還由是名

益著會澤潞劉從諫表在幕府後從諫子稹拒
命稹方乞假還家稹表指斥時政或誣稹所爲詔
流崖州賜死臨刑爲書遍謝故人自志其墓人皆
憐之

王虬字希龍大順元年進士時新克復長安一榜號
爲得人未幾卒虬爲文務新奇有集十卷行世

黃曄累舉不第有文名所發皆當世賢者初下第歸
郡牧烏仲孺以女妻之爲築十里沙堤直抵其廬
夾植刺桐間里榮之號秀才堤後就辟天德軍從

事尋中蠶語默爲湘陰令舍人劉三復逃兼封
教俱以詩送之未幾卒

南字集

ノ物志卷十三

三六五

宋名賢列傳

劉昌言字禹謨七歲能屬文陳洪進據泉漳擢爲力
曹掌戕秦時宋室久定力勸納款進從之遣其子
同昌言入朝太宗召對譚曰覽洪進表委命盡心
非卿潤色耶昌言遜謝焉洪進改鎮徐州又辟爲
徐州推官太平興國八年舉進士第二人太宗引
見便殿曰卿復來應舉耶昌言曰陛下以文明治
天下臣遭逢盛會不甘委棄耳因上紀聖德詩五
十韵賜對三日昌言敏給能揣人主意無不稱旨

累遷同知樞密院事自以登擢不次懼人傾奪會
凶人趙贊之誅也昌言素與贊善前在河南嘗保
任之心不自安太宗因問近侍有與贊交者乎昌
言蹶然出位頓首稱死罪慰勉者久之然自是出
知襄州以先期開倉又獲盜不送闕下太宗為其
不循舊制切責之後累官至工部侍郎卒

劉濤字普公昌言之孫工詩及草書徽廟召入禁中
值天大雪合草雪詩濤書鄭谷詩亂飄僧舍茶煙
濕四句上見其首書亂字不悻因問卿字孰即對

日臣無師遂放歸讀書靈泉院自號靈泉山人

錢熙字大雅博貫羣籍善屬文陳洪進嘉其才以第
之子妻之將署府職辭不就著楚鴈賦以見志雍
熙二年進士爲宰相李斯所推授度州觀察推官
寇準薦試中書遷殿中丞獻四彛來王賦太宗命
直史館編彙文集坐累出判朗州改衡州在任詔
獎有公勤廉幹之褒至道間加右司諫李宗諤楊
億梁灝等表請復熙舊職不報徙杭州越州熙好
學負氣善談笑精筆札自罷史館憤志成疾卒所

著有擬古樂府雜言措刑論數十卷子蒙古貞吉
俱進士

錢褒熙之後也性純孝母喪負土成墳結廬山居羣
腥不入口形容毀瘠終制方還治平熙寧中郡守
絳州人之請聞于朝詔試權用爲州學正士類推
重嘗著志孝六篇并進之

李沂字從聖以六經大元講授閭里號寶鼎先生與
孫何丁謂齊名真宗時試禮部以細故坐斥歸棧
門著書起自伏羲甲子太平興國己卯其間

別正閏傳以政治興衰名曰帝王紀年注

試校書郎蘇紳薦其得前史廣記法改國子監

致仕遷大理寺丞卒書藏秘閣又有文集十卷太
元義訣五運圖

林杞字卿材天聖五年進士歷知康雅淄泰四州在
秦州修築海墪復良田數千頃課最爲淮南第一
淄州圭田歲入之外例輸繅六百杞曰田植五穀
絹從何出耶卻不受以光祿卿乞致仕卒年九十
姪景淵

呂壽字季玉景祐元年進士歷漳浦令始立學擇師以教士募兵以禦汀虔諸寇既去民祠之知衡山縣撤淫祠爲亭館司錄開封府有中人史志聰役殿廡衛士伐後苑木爲器木墜殺士事下按驗壽疏暴其罪狀志聰坐謫壽性剛直遇事敢爲必得所持然後已官光祿卿卒子惠卿升卿諒卿

呂諒卿元符中爲温州推官上書詆紹述新法之非徽宗九年編類元符章疏姓名諒卿以前書抵罪編管亳州御書奸黨碑以賜惠卿惠卿自劾求罷

無不讀爲詩尤婉麗奇古可愛有容安摘

林景淵字深父崇寧二年進士知惠州招捕土寇

德隆降詔獎諭未幾請老嘗夢神人贈詩有蓬萊
兜率語一日命家人具袍笏曰吾將朝真去矣時
李邴與之隣聞之折簡來言曰釋老之道與孔子
不殊但會曾子易箒子路結纓無餘事矣景淵啓
簡視之整衣冠而卒

黃駮字公碩居父喪芝產于靈堂前其葉累百重和
元年進士尉崇安有鄭主簿者貧不妄取卒于官

騷領素以資其行人皆表之終南劍州通判

柯宋英字子飛徙居晉江紹興二十四年進士以國

子監求外補知梅州闕郡齋扁曰景程程各皎以

德行信於鄉誦者不取正於官而取正於程人思

之與韓文公並祠于學英至任滿獄無重因人以

德化無愧其扁云代遷三奉祠館挂冠杜門州縣

稀識其面初教授四明守五才朋贈以詩有不予

一介將行李慨爲孤甥罄橐金之句士無少長者

尊稱之卒年八十六

諸葛廷瑞字麟之紹興二十七年進士知崇安以政績聞擢主管官告院奏對稱旨孝宗褒之曰卿人才磊落議論正直當爲國家立事御札擢起居舍人光宗嗣位首選司馬光仁明武之說且曰三者宜行之以久終之以不倦時潛邸舊僚有因干政黜外者廷瑞懼其復入乃援李絳陸贄突承權事以進詞意鯁切人以爲難尋充金國弔祭使使其禮皆請旨以行至境金伴使以衣帶服飾爲非請易之廷瑞曰高宗升遐北朝遣使弔祭純用吉服本朝

惡其非禮今已易帶而來他豈敢擅改爭辯不屈
露刃迫之瑞厲聲曰臣子之義有死無二豈遑他
恤竟不能奪爲之加禮使還兼權吏部侍郎進起
居郎疏言兩淮藩籬不固法禁不嚴乞詔侍從臺
諫於文武臣中各舉所知可爲沿邊監司郡守一
二人以待選用紹熙元年拜中書舍人以留正爲
相累章求避改兵部侍郎疏言貴戚用事害家凶
國漢唐歷歷可鑒瑞列侍從僅歲餘章奏數十上
皆嘉納之以兵部侍郎致仕卒贈太子少保子

清

諸葛直清字子嚴以父任歷海口鎮主管南外睦宗
院知海陽判廣州州多水患諭衆築堤捍田利周
十保人甚便之官奉直大夫晉其後也

柯知彰字仲晦述從子也祖昉以學行稱繇南安徙
居晉江大觀初郡以不求聞達薦召赴闕命下而
卒知彰擢紹興三十年進士令海豐浚靈溪陂溉
田三千餘頃民懷之終通判福州子汪洪俱見進
士

黃甫黃旦昆弟友恭並居右岸甫有疾旦刺股療之
疾愈終不自言後旦疾甫燃臂叩天旦疾亦愈甫
旦俱淳熙八年武舉甫知吉陽軍旦官武經郎知
欽州子夔

黃夔字一之以蔭補官歷知七州所至以廉惠稱宜
溪蠻爲暴部刺史辟爲守至郡殲其酋諸洞爭納
款事聞遷三秩五嶺瘴惡夔來往二十年家人皆
無恙郡守黃朴表其里曰廬遠

蔡霆發字子飛居白石村學行純篤淳熙十一年進

士以邑最召入主管官告院能其職所著有家訓
鑒集

王克恭字彥禮淳熙十四年進士教授循州講授不
倦知寧德縣以最聞通判廣州海寇掠境盛夏方
疾督師擒其酋以徇辟知新州奏減下米以寬民
力累遷度支駕部郎官奉祠歸起知興化卒

錢德謙字牧仲褒從姪慶元二年進士知無錫縣裁
豪右以法號強項令坐誣罷復知華亭益有聲擢
諸司料院仇者譏之再罷歸後復召爲秘書郎遷

宗政殿說書內艱去晚除秘書監兼侍讀出知建寧府卒

傅烈字承仲以易學授徒戶屨常滿慶元五年進士試中教官科歷南劍惠州教授講經課文矩矱整飭改知保昌通判循州憫鹽鈔抑配屬邑之擾招誘商筏平直售之不取贏自潤民懷其惠知梅州卒烈事親孝恬於勢利當世稱之

傅天驥字君遇烈之從弟嘉定四年進士儀狀秀整博涉書傳教授建寧朱文公未有祠白于郡守立

之俾諸生習伊維諸書不專課以藝文理學繇是
益盛改知龍溪通判福州著有楚齊集

劉用行字聖與昌言七世孫嘉定元年進士爲零陵
令以最稱通判瀘州蠻入內地單車臨賊此皆諭使
自新蠻感泣去知潮州叙城壘遷貢闈民甚便之
詳刑使者貪暴盛夏馳卒逮平民用行命掩卒橐
得其贓械卒釋民引章自劾使者削秩用行亦坐
貶晚知貢州振劾前蠹聲華曄然終于郡用行姿
貌修偉遇事有執詩文與麗爲一時冠蓋著有北

山漫游十卷雜稿二十卷

陳洪字禹範臨太學登嘉定七年進士教授新州轉致中州書數千卷以誨弟子知莆田縣有惠政通判建寧攝府事兵燹之後痛加樽節郡計以裕興德秀薦共謹厚可用晚節閒居自號淡軒第浩庚辰進士

洪天錫字君疇登寶慶二年進士歷官郡縣執法不撓潮法曹八年歸無南物拜監察御史具疏謝上曰臣職在憲府非惟不能奉承大臣風旨亦不敢

奉承陛下風旨復疏言爲天下患者三日宦官

貴戚曰小人因言內繕司所修爲修怨江岸所築
爲築怨公田所聚爲聚怨會天雨土復力言陰陽
君子小人之所以辨蜀中地震浙閩大水又極言
貴戚宦官之害疏上至六七請還御史印謂明君
當爲民除害不可留害以貽後人言雖不行然聞
人爲之氣沮除大理太常少卿皆不拜後起潭州
威教並行遷廣東轉運判劾貪官決稽訟召秘書
監遷秘閣修撰福建轉運副使皆躉慶宗立除侍

御史兼侍讀復辭疏病民五事最後進顯文閣直
學士致仕加端明殿學士疾革猶手草遺表以規
君相卒謚文毅所著有奏議輯畧等集

呂大圭字圭叔樸兗鄉人登淳祐七年進士少學于
鄉先生潛軒王昭昭師陳北溪安卿安卿師朱文
公道學原委有自號爲溫陵截派居家授徒數百
人後教授潮州累遷簡討崇政殿說書吏部侍郎
以操南音出知興化軍轉知漳州所得俸盡代輸
中戶以下賦著莆陽拙政錄遭丙子革命蒲壽庚

率知州田真子迎降拘大圭至令署降表堅不奇
將殺之適門人有爲管軍總管者扶出至家以平
生所著述泥之一室逃入海島壽庚遣追及之間
其姓名不答遂殺之所著書多爲賊燬惟易集解
春秋或問孟子論語集解學易管見行于世

按大圭一剗詞章獨崇實體人以理學歸之至其
措諸莆陽又非迂濶無用丙子之難甘死海島大
節何凜凜也世謂講學者徒虛詞無實豈其然乎
陳龍復字木叔與文天祥同登寶祐四年進士歷任

州縣有聲天祥軍南劍辟之爲督府叅議每咨重
焉後分司潮陽號召諸路豪傑翕然響應練鄉兵
多習水戰糧餉充足天祥錄是得入潮爲討賊之
舉未幾有移屯海豐事龍復從至五坡爲元兵追
及死之

按龍復郡志不詳其始末而以潮陽志得之世稱
儒者多迂濶緩急無所用若陳少卿非儒者歟迺
其所注措不在老將之下天若祚宋勲豈必讓友
召而顧使之弗竟其施也不亦惜哉

傅定保字季謨咸淳七年禮部奏賦第四時賈似道當國沮抑新進未令赴廷試定保歸益力學未幾蒲壽庚以泉州叛諷之仕定保不爲屈家貧授徒以供母大德初提學吳濤薦授漳州學正首以太極圖西銘合而講之聽者說服至治中以平江路儒學教授致仕門人稱爲古直先生有詩文及四書講藁

諸葛晉字仲昭以明經授福建行中書省簡較兵興檄分治尤溪縣保障境內民賴以安尤溪乃朱文

公毓秀之地先是以所居爲書院後廢故址悉爲
豪家所有晉首訪復之池中產瑞蓮二芝草五小
一奇也尋棄官歸隱不應徵辟後徙居穎上以壽
終

按往牒有名臣良吏忠義孝友士行文苑諸科不
免以人從局或偏舉而失其全固不如渾陳梗概
令觀者自辨焉可也至惠卿與弟升卿青苗手實
之禍昭昭史冊郡志屬二人於南安而呂壽諒卿
列之晉江父子兄弟至裂爲兩家何若是失實歟

南安縣志第十四卷

人物志之二

明名賢列傳

蔣疇字嗣昭蚤喪父奮志詩書甘貧力學郡守胡公
器之拔入邑庠登永樂壬辰進士歷任御史巡歷
所至百司震慄一時號爲鉄面云

洪顯字懷德領宣德丙午鄉薦任合州學正凡六載
操行端謹提誨備至陞蜀府教授王喜其學問該
博輔導有方表薦爲左長史

陳時敏字思懋領宣德乙卯鄉薦教諭彭澤文詞敏
贍尤工真草書爲時輩推重焉

彭麟字文瑞以詩經領景泰庚午鄉薦任龍川諭
仕工於古作凡所爲詩歌之類人傳誦之

傅凱字時舉號敬齋舉成化戊戌進士授戶部主事
提督天津等八衛督催南畿浙 肅賦以賑西北饑
早事集而民不擾轉卽中謝政歸日與諸士講習
四方求文者踵至于浚見進士

傅浚字汝源號石涯凱之子登弘治己未進士授戶

部主事丁父憂通瑾矯旨削籍瑾敗起工部進郎
中理薊州鐵冶釐革宿弊損鐵竈費三之一遂爲
定制改都水慎出納不徇私請卿長屢索餘羨將
以賂中貴浚不應遂出爲山東轉運同知卒于官
子楫見進士

黃天賜字子和領弘治戊午鄉薦知英德縣剛正嚴
明不畏權勢時中官遣取英德石賜曰此石何益
徒勞民耳倘羨其瑰瑋請詣九疑觀之更爲奇特
及調去民攀號車輒祀名官方賜未遇時讀書山

中一晚間遊溪邊聞兩鬼相語曰明日當有戴鐵笠者來伐矣賜怪之明日俟於溪邊果有戴鍋者欲渡溪賜遽止之語以故泊晚又聞兩鬼相語曰吾爲英德知縣所悞矣天賜以濟人爲心往往類此

員外郎郎中陞廣東副使有滯獄疑於法爵至訊服人稱其神尤喜贊拔善類粵人畏而愛之丁內艱歸起補湖廣副使留心學政水利士民勒石頌德乃陞請致仕營宅西埔即蔡文蔚所授也其師弟子古誼恭如此歲奉祀事甚謹待異母兄弟如一族中老貧幼學咸推素惠之愛母家陳尤摯無遺孤嫁二女葬二喪購廬代奉其先焉性寡言笑外直內寬未遇時嘗同莊恭人歸寧時襟兄李已貴顯禮待頗卑莊恭人促公歸以激之及貴恭人

尚留憾而爵已忘之矣功任河清在銓部時常欲
推以督學爵力辭焉人益服其品行云子自勉嘉
靖歲貢任將樂訓導以孫南金封知縣次子道以
孫師顏贈御史曾孫毓鎮萬曆庚子舉人家學淵
源固宜爰及苗裔哉

黃河清字應期別號蓮峯十歲能文以奇童稱弱冠
登弘治壬戌進士奉使于浙以內艱起復到部秉
銓江公瀾大器之超除驗封司主事銓曹未有初
選徑除者有之自公始游歷文選司即中以清節

自守當時典選得人者有前黃天台後黃清源之稱後擢太常少卿丁外艱歸爲鄉民築永利圳至今立祠崇祀以南京通政使歿于官公博學雄才俯視一世以文章名于弘正間與王陽明湛甘泉李崆峒邊庭實諸公相頡頏有蓮峯稿行于世

柯信字汝克別號容菴以貢入南監領弘治甲子鄉薦教諭永新因抗直不能與時俯仰九年始陞溫州教授適庠士李如山爲勢家所壓公代辯枉詞頗厲督學怒呵之徐步出卽棄官歸諸生攀留至

有淚下者公爲言曰水激湍波平處歇鷗眠水上
靜中間吾歸爲老農足矣雞肋何爲旣而如山之
寃白兩院庶其賢移文福建取復任信辭疾不赴
溫郡學祀名宦泉郡守高公越詢信起居欲一見
不可得直造廬謁之微示意將爲信地信佯爲不
省竟不荅拜家貧課子仲元應舉人季元登贈戶
部卽有斐其孫也

傅樞字廷濟別號西崖凱之孫浚之子年十六舉于
鄉二十登正德辛未進士授行人方歸娶其

郡邑諸公來賀凱治席延客楫束身奉酒旁侍

唯謹浚即工部時楫以行人有事於德邸事未竣
聞母病請入京視母再往竣事禮部尚書劉春白
無害於公尚可教孝何成案之拘耶覆奏許之後
浚以繼妻暴卒于官邸楫奔邸且慟且疑及扶櫬
歸密求父讐久之知其一亡之德化縣備楫微行
至巨姓家告之曰聞有一人力作君所是僕奴也
欲得見之巨姓出奴楫告巨姓曰是僕有罪不可
面數君幸入內出袖中鍾破奴頭真殺之謝巨姓

歸而其一不可得矣喪葬畢慟而誓曰父讐未盡
可爲人耶遂裂衣毀冠屏妻遠子日蓬頭垢面焦
悴郊墟間風雨饑寒不知避感憤書懷大率度詞
隱語狀讀而翫之知深於道德而出於仁孝也親
戚朋友不知者目爲狂而已檄每遇迅雷燦電雖
中夜必起正衣冠拱立武宗哀詔至檄具衰杖朝
夕臨終期狀後釋腸至其子燾卒不哭也或詰之
檄涕下曰不能爲子敢爲父耶久之繼母卒會倭
奴入寇克斥郭外檄乃歸舍爲文告祖蓋自廢棄

沈維龍字震卿中嘉靖戊子舉人知翁源縣值盜賊猖獗數十載龍設法令壘擒獲賊首關祖政梁忠等由是悉平翁源井泉遇旱多涸富豪設蠲塘以賣水貧者待斃龍捐俸買塘公之遷雷州通判棄官歸養龍愉悅恭讓分俸均諸弟以祖貲遺叔鄉論重之

鄭普字汝德登嘉靖壬辰進士授無錫知縣錫大邑也初銓時倉皇若無所措日惟自檢不敢有毫髮詭僞其後民與官相信縣門恒虛遂不覺作縣之

苦秩滿遷南戶部主事權舟維揚用度以節待商
以寬擢雲南府知府未赴以父艱歸居歲餘母病
卒服除赴銓卒于都下無錫人聞之皆相弔嘗
與林希元論易君子體易只取其意不必執定卦
義如常德行習教事何與於坎只取一重字意獨
立不懼遜世無悶何與於大過只取一過字意寡
多益寡稱物平施分明是平天下之道只取高
當捐有謙之意耳又言人之爲學隨其所見皆是
適道如象山晦翁二氏學本不同自今觀之孰是

孰非二先生亦未嘗明目相擊也孔門諸子有侃侃者有誾誾者有行行者有狂者有狷者有文學

者有政事者隨所長而各造其成今人輒昂昂然聖賢自任擇古者極力攻排謂是足以驚人而峻已就使立論皆是於性分何涉此今世講學者所以重得罪於世教而取禍往往不少說來說去只成得個惟口起羞四字大抵君子立身只尋個正經道理循循做去聖賢遺理典籍所載已詳不必日講是非也其持論如此所著有海亭文集

陳儲秀字舜弼別號瑞山登嘉靖壬辰進士拜行人
使魯藩厚贈辭弗受擢御史清戎兩粵戒諸司以
毋騷擾百姓期得當上報粵中交口頌之尋憂歸
服除署河南道御史事大計天下吏永霜自矢稱
名馳馬焉由是風裁嶽嶽聲振中外會東粵直指
當得代以委秀載持斧兩粵屬安南阻兵之役公
與中丞張襄拮据戎事獲其輸款叙功時賚寶璽
賜麒麟服階前粵西益三錫云尤折節好士以故
龐尚鵬殷從儉前後節鉞閩中俱出秀門下人方

秀當不次擢用爲

察副使秀曰外憲內臺

繩墨吏於法墨吏與直指有連也因拂

日以詩書自娛不問戶外事適兵燹告警

葦方塘各募鄉兵禦寇武榮故無城又偕衆捐

以城至今賴之

章日闇字爾實別號大氏十三歲補郡弟子員於書

無不讀嘉靖丁酉學使江午坡拔冠郡庠是秋領

鄉試第一歲辛丑以夔落不偶歸卒于淮陰舟中

時年二十有四精魂不滅時時露靈於吳門吳中
錢兼山屠赤水諸公皆崇信之惟謹屠公躬蒞泉
郡詢其子孫厚撫其家贈以聯云閭名隸晉庠家
居南安大宗伯林公欲楫省元李光縉俱爲作小
傳前令袁崇友自淮安得其降箕僊錄一部令其
孫邑諸生章炳梓之亦以見宇宙中固有此一
種神感之事云

洪庭桂字德馨登嘉靖戊戌進士授行人奉節盱江
以清介不繼著聞旣擢御史權貴動戚爲之避驄

會當事者銜臺中抗疏激切因御史失儀繫罰遂
出爲江西按察司知事居無何擢德興令復以越
次驟遷論罷歸里杜門謝客監司守令絕不通謁
有以寺租山蕩言者桂笑謝之曰吾自有良田可
遺手孫也洪族科第甲武榮桂爲開端而恬淡清
修亦不啻烏衣之有安石始興者

黃養蒙字存一別號肖竹篋觀甚偉徐文貞階爲延
平節推來泉一見器賞之嘉靖辛丑舉進士第二
人泉士取高第自蒙始授遂昌令均徭役計產多

寡配差重輕役書成於手中胥吏無所與民大稱
便部使者頒行屬邑著爲令與諸生講執擯榔山
邑人名其山曰黃山擢吏部歷考功郎計吏之歲
日夕居曹中杜私謁事竣當調選郎以不合權相
力求外徙遷南太常少卿轉光祿卿以外艱歸久
之擢南戶部侍郎轉北戶部言官論其太驟奉旨
留之屢請乞休徐文貞方執政挽之不能止竟引
疾歸南安故無城嘉靖中邑燬於倭蒙力贊邑令
夏汝礪城之後邑令其官議濬萬石陂復懲決之

二事爲邑中萬世之川卒之日泉士大夫稱其純厚有古人風簡重得大臣體立祠祀焉

傅陽明字際熙以歲貢領嘉靖丙午順天鄉薦初教諭從化恪共祭祀優恤寒素遷令南陵甫七月遂告病歸杜門不預外事躬行孝友老而逾篤鄉人無少長悅而化之生五子而三科二第蓋亦義方之訓云屢階履禮俱進士履重舉人

傅夏器字廷璜別號錦泉年二十三登嘉靖辛卯亞魁不第久之發憤爲舉業之文歲寘甕几下每作

文然而納之歲終展視甕爲滿矣嘉靖庚戌會試
擢第一授禮部郎徙光祿丞改吏部郎稽勲司郎中
歸夏器真樸渾古仕不諧世歸而無以爲家故居
邑之坂田鬻荒畝闢園種荔支龍眼諸果于其中
鋤鋤犁策與僮僕均勞一時佳果以坂田爲最人
謂傳公精心制舉以名其文精心種樹以名其果
誠一之致殆莊周所謂殉僂丈人者歟所著有錦
泉集行世

黃大節字克完別號中田嘉靖甲午恩薦癸卯舉順

天鄉試庚戌成進士同年傳夏器以不及第爲恨
大節笑曰吾兩家費幾甕頭春矣傳服其豁達授
戶部主事司淮安倉出納廉慎暇與丁壯習騎射
適島寇突犯淮安大節上策於漕臺鄭端簡公禦
卻之遂竒其畧擢台州知府台中倭凋瘵大節一
意休息以軍興忤當事意爲唐順之所劾方諸原
憲卽大笑挂冠去矣時河清養蒙兄弟相繼秉銓
大節乃僅以戶曹出守其不肯干與榮利固天性
然哉方大節弱冠時卽樹幟食餼讀書金溪夜有

女妖渡水逐之遇老人而止半山亭逢虎搖尾而逝私心喜負及貴益磊落不羈以故不屑營羶迨歸隱湖山以酒自娛尤善長嘯暇與諸知舊浮白賦詩或登山遊翫不問生產而尊人贈瑩大母貞節掉揆稱貸自襄奉繼母張生母王尤篤合以孝著有族派住湖尾者素不與祭大節力懇宗老得輸蒸嘗不私本支其孝友類如此至煦濡嫡弟痛懲苦僕人尤至今稱之

黃一桂字馨甫中嘉靖乙卯舉人初授雲和令雲和

貧瘠地桂約已裕民削借差汰馬役邑中水道久
堙民病遠汲桂捐俸募工疏水源而導焉近郊多
虎漸及邑中或食豕官舍桂燂城隍神請去苛政
而後大戒攻虎旬日有田夫手搏虎而斃之厥後
遂息左遷寧波學博攝慈谿篆邑有魚課三百金
吏請受曰例也桂曰課諸公而登諸私何例乎萬
曆丙子南京兆聘分考秋闈舉顧憲成十四人多
名賢擢濟南通判主岱宗香說毫無私焉

歐陽模字宏甫別號八山父深指揮以擒倭陣亡贈

昭毅將軍模登嘉靖己未進士授霍丘令調上津
丁外艱服除令肥鄉擢都察院都事調戶部郎監
楚兌以才敏稱諸所規畫後爲察令出知寶慶府
抑豪右厚章縫捐俸作新諸生學舍鼓倡人文擢
廣西按察副使政聲赫然而忌者目側之懸車時
年尚未艾日與親朋燕驪時發爲詩歌歷遊選勝
與人交溫恭雅裕成出至誠即謹謹不弛矜敬同
有負慝者面謝過便好如初傳曰如其道終身無
改可也模實以之

黃襄寧國著別號龍源登嘉靖己未進士授行人擢
御史按遼東是時歲苦邊患當事者惟旦夕張捷
級以冀免襄獨具實對撫臣某侵浚軍饑襄直劾
之疏言本兵大臣與邊臣交蒙冒誣受賞總兵楊
照死於邊事襄則推獎上其功請贈官廕子祠祀
之凡所請褒誅舉黜且見施行居二年復奉命按
真定裁罷中貴人榷木稅漕河不通當事請開新
河自南河至留城久無効襄上疏請督責之當事
聳然告成有貴人子豪暴州里吏莫敢問襄收答

之下獄數日死時與襄同爲御史者有嶺南龐尚
鵬號爲不避權勢而襄與齊名隆慶元年襄向所
疏論本兵方爲冢宰出襄守黃州襄至去其風力
與爲拊循又二年遷陝西苑馬少卿後有誣襄者
坐解職待勘次之得自補山西行太僕寺卿是時
秉政者江陵相公也襄守黃時相公爲翰林襄不
能結之亡何大計相公取中旨罷襄江陵敗有追
數其罪者曰曩行太僕少卿臣襄疏逃之臣也不
皇吏議陛下何詎諦此遠臣不足任遽取中旨罷

之哉相作威福此可見矣襄歸著有四書易經集說藏于家子巍岑並領鄉薦巍唐縣知縣

李文纘字

別號南黎領嘉靖辛酉鄉薦銓易州

知州陞常德府同知轉岷府長史林居三十載壽八十餘稽古博文期以羽翼經傳下至星十律曆亦所窮究篝燈讀誦至老不衰所著有易解禮記庭說書經大旨四書口授旁及子史算法律曆凡若干卷又嘗定冠婚喪祭諸禮而鄉飲儀節叅攷尤詳

陳學使字爾聘別號志齋登嘉靖壬戌進士戶部主
政陞禮部郎中出守楊州左遷郴州郴俗男子既
婚猶角卯父母初喪鼓吹三日口鬧喪又棄女民
多不娶或有夫病篤則媒遂聘其妻謂之佐殯學
伊至申諭再三郴俗稍移郴治有榷自爲聲教擅
殺無忌學伊以一檄示之安靜不亂遷撫州同知
申緝盜之令及誣盜之條嘗得二強夥廉其情真
卽條報上官次第斃獄撫自此少盜再遷舊曹轉

山中爲一鄉興廢舉墜不嚴明里有曲直得其
一言嚴於公庭鄉民信服羣立生祠尸祝李文節
先生爲之記年七十餘未嘗釋卷著有五譚類抄
世紀諸編藏其家相國張瑞圖題其祠曰采藻類
馨直道斯民永勒清修俎豆貞珉相國文章蓋寶
錄也

黃思近字與仁登嘉靖壬戌進士授分宜知縣秩滿
擢戶部主事當奉委者多以善地自占次至思近
卽自請尚書不取善地於是得推武林武林潛有

稅樣例全思近不欲號調第以屬役日今後輸稅
樣必明委於疑於是越人遂以思近與少宰廣信
楊公時喬爲兩水部贊其清也出守襄陽有權稅
往時在事者歲數推思近于襄岳二載一至耳以
丁內艱歸釋服守饒州擢朝州兵備副使雲南叅
政丁外艱服闋改廣東叅政雲南按察使左遷雲
南叅政尋自免歸年七十餘卒始思近今分宜嚴
相公里也是時相公廢矣顧其餘尚在朝論猶來
釋忿欲有所深求思近不以故相餘談而曲法亦

不以朝論深求於故相引繩而批根其時爲郡推
者某思近同年也探葉高指同嚴氏子動靜挽思
近助爲齟齬不應郡推尋陰搗嚴氏子於朝卒置
大辟而郡推得耀銓司及華亭去位江西人惡郡
推必去之涇陽李肅敏世達爲考郎以問思近對
曰此自理官所得爲若此議行似爲商人釋憾於
是肅敏歎服父瓚瓊州知府年未五十致仕壽九
十餘弟思新彌勤知州

趙秉孜字恒守別號品齋隆慶辛未進士授戶部

主事以不能於上官左遷靖州同知既移嚴州通判再移池州同知居官廉靜好爲民興利不喜阿奉故勳輒相鑿遂棄官歸養父歿廬墓山居二十餘年寡嗜沙營道與世无煉心繕性自適其適泊如也郡邑長款門不得一見人比之魯段干木郡守竇淮南高其行誼以高風邁古扇其門而爲之引日益齋趙先生者志遊滄海笑咏清風傲世嗾榮節高味古不可不見卒不可得而見也噫亦可以想其爲人矣

洪有聲字懋文別號穆菴隆慶庚午舉人登萬曆甲戌進士授信陽州守信陽地磽确而又當楚孔道聲鏡意撫綏不避權豪有許吏日者藉當道戚屬虐而貪聲以法繩之不得肆竟中忌坐謫大同典史州民數百爲伏闕訟寃不可得久之乃轉懷仁令經理互市有方邊人懷之遷蔚州守再轉豫章維揚郡丞分鎮瓜步瓜州當南北嚙喉聲至之日飭武備增雉堞嚴關埧保障之功居多晉南工部郎念母老卽拂衣歸陶情詩酒一日忽鑿戶自序

其生平甚悉以授其子啓初曰吾志在歌詩趣在山水政績在四方立身制行在閭里耳目不欲以德薄處寔之身煩當世名公鋪張它日其藏此于幽益清畏人知直不求名如此所著詩集藏于家子啓初亦成進士

鄭維嶽字申甫別號孩如禹曆丙子舉第二天文地理禮律兵刑道釋諸書無不析其指歸中甲辰副榜第一銓遂昌諭轉知五河縣立方田法濬淮河賦役均平陞曲靖同知以母老歸養有四書正

定說知新易經密義意言諸書行于世

洪啓采字爾載領萬曆丙子鄉薦初授秦寧教諭擢
國子助教出守許州按故籍行田里謂此漢東祇
所稱膏腴可屯田處也今斥爲澤鹵化爲芟牧寧
能歲無饑乎於是發廩賑施引民浚陂池穿頽上
渠行數十里溉田可數千畝招採流民給之墾蔬
建義倉二十餘所令富者輸粟其中自出錢金買
粟儲之擢永州乞疾歸

蘇希斌字于欽別號阜山中隆慶庚午舉人萬曆甲

戊戌進士授許州知州下車甫數月清節大著上官忌之勵操益堅會直指按許繩以拜跪之節遂拂衣歸居阜陽山之阿杜門謝客自治農圃時呼集老友於雪峯巖頂登眺賦詩不事送迎郡邑廉其名固邀之竟不得一晤雖古靖節高風不是過也

謹按希栻乃邑之望人前壬申志竟遺之余採之與議詢諸其族久之不得其詳閱數月乃得於父老之私傳亦足以見公道在人爲不泯云

黃師顏字有發別號復齋隆慶庚午領鄉薦萬曆甲戌成進士授鎮江推官以艱歸服除補寧國平反激揚惠德孚民益兩郡如一日也嘗自言曰昔子產鑄刑書叔向責之趙鞅鑄刑鼎仲尼非之司李刑官也吾兩任其責焉可不慎哉居恒每讀甫刑一書惻然有哀憐無辜之心思欲爲民請命莫若存欽恤伸冤抑使民服之如神明奉之如父以則刑官不可爲也而可爲也後以訊兩郡事折斷疑獄咸稱明允以此得最薦時有同官少年戲其冠

進賢冠者師顏言色如常其人愧服後人銓部郎
首推師顏德器第一擢御史奉差巡鹽長蘆以清
峻著聲橐無羨金及按雲南無金石邀主爵權遷
順慶知府謫判州事怡然也歸家杜門謝絕干謁
捐充祀田遺產悉均諸兄弟厚師友急焚誼乃種
德不報壽未中年輿論深惜之子毓鎮舉孝廉每
上公車過舊宦故處伏臘謳慕縉紳見毓鎮至且
喜且泣曰得見使君子猶見使君也其儔人思有
如此

張宇薦字道相高曆己卯舉人初授長樂教諭

生辨析理義尤精於易學多士皆從之受易焉以
新寧知縣會播酋作亂薦上方畧於兩院善其策
卒以平播錦江賴以永寧丁外艱歸以不獲終養
爲痛逐絕意出仕以書史自怡葺學宮修橋梁興
論稱之卒祀鄉賢

徐博卿字君溥萬曆己卯舉人是科舉使皆最號知
人金榜皆其高拔士各有贈聯舉范文正王孝先
二公事以相勸屢蹶春官其文趣就幹授四川梁

山知縣甫下車革例卻耗斂廉平以不善得上
官意歲餘遂掛冠歸百姓里役遮道挽留數百里
不絕

謝望儼字可容萬曆己卯以春秋領鄉薦授滁州刺
史勵意拊循不爲鈎距之政署外設爨房以受訟
近者携壺飡遠者備宿糗片言立決雖他郡爭來
質成焉滁爲南北往來之衝稅審而差重郵繁而
役苦儼極意節愛以甦民困民咸德之蒞官僅六
個月而卒卒之日橐無餘金喪襯南還滁人焚香

遮哭之益至今猶頌遺愛不真云孫玄珧登天啟

乙丑進士任浙江叅政

洪有復字懋純登萬曆庚辰進士宰武陵時江陵秉國席其氣傲者率爲暴生中有復槩以法裁之不少貸江陵甚銜之會張事敗廼以抗直得聲擢工科給事中劾中貴不法殺人宜抵中人因其黨環上泣訴有復抗疏再論竟抵罪遷禮科左給事時有進士薛敷教疏論大中丞詞連冢宰有嗾使劾之者有復曰傾人以徇人吾弗爲也因外補粵東

兵備尋擢羅定叅政時徭徭與諸民兵分籍而處羣衆喜亂有復拊以恩信咸請自隸民籍粵西徭叛有復從總督追勦入山大破之上功得賜錢加俸歷遷湖廣左布政迺稅璫肆焰同官馮應京被逮公悉力調停爲民請命得易中使而更置巡撫以礦稅屬郡吏湘澤獲蘇

柯有斐字展夫萬曆壬午舉鄉薦授武進學博因公憤與別駕高某抗爭復以泮宮故地抑勢家侵佔兩院咸壯之辛卯聘較山東所舉士成進士

轉國子助教遷戶曹嘗欲申諫止礦稅之議未果
復轉員外郎出權江州時中使兩摠江津銳意稅
課而南康守逮繫百司凜凜矣斐挺朕革退所送
彪役孫鎮等十餘人又以清役許津要丙午轉貴
州郎中清廊庫弊及折鈔羨餘五千金未幾稱疾
歸疏凡三上始獲命遡歷宦十八載優游林麓者
廿餘年居鄉不事干謁郡縣賓請皆不就子鳳偉
崇禎癸酉舉人

蘇朝陽字廷鳴宋忠勇緘之後以選貢領萬曆壬午

順天鄉薦授濟寧州學正陞懷遠知縣懷故廢邑
徃徃雜處變亂不常隆慶中時議城其縣于板江
蠻殺主簿以叛自是莫敢問朝陽至則單騎歷諸
崗面召與語遣辨武吏習蠻事者啖以解仇開江
之利諸蠻稍稍喜崎嶇山谷間撫摩霜接約束省
禁人益屬心其最悍者曰標口楊溪小喜敲頭等
村故倚長棘毒弩負險自封朝陽遣尉鄭良慤往
諭良慤入諸蠻趨居羣立徐徐聽語亦開心願輸
賦如舊於是白之撫按請成城遂卽其地之丹陽

鎮城焉朝陽坐卧小舟戴屣出入蠻之人不見其
爲令也皆以爲親已居一年解舍壇宇樓櫓管柵
煥然一新儀門左右楹有二鶴來巢可俯而闕人
咸異之朝陽所至輿爲拊循其始與之爲長揖好
語煦濡之漸次教以跪起之法授以句讀之學狀
後禮讓漸生文教聿興起百餘年狡獪侏馱之俗
易爲桑麻衣冠之地撫按交薦之加慶遠同知署
縣如故尋陞柳州知府其治民訓士益勵夙夜府
庠殿廡重建一新創尊經閣刻忠孝二經頒布州

縣事聞上賞之拾金加慰諭焉語具廣西通志中
泥柳州名宦

黃巍字以恒萬曆壬午舉人初署寧德教諭捐貲建
文昌閣月出私橐爲會以勸課諸士蠲新進之費
以惠貧者秩滿陞唐縣令時礦使繹騷民斃歲祲
巍躬循阡陌濬水利捕蝗蟲問病苦草地稅數百
金復繕完雉堞不費民一錢一時名雋皆其賞拔
積資五載騰九剡竟以清介齟齬于時罷歸啜粟
飲水蕭然自得其祖居邑之廿三都歲時謂視則

與宗族鄉黨修孝友明齒讓一切外事不問焉

黃鼎象字毓鉉登萬曆乙酉鄉薦初署教平和士爲
立生祠繼令浙之臨安迎母就養治民慈惠赫狀
有聲載臨邑志中既入覲部留候調鼎象以母故
憂思成疾請假歸擢南雄通判陳情致仕家居所
延母壽茹素逾十年鼎象三歲而孤其母喪明鼎
象以舌舐之去翳復明如初焉撫院黃公以純孝
格天旌之年六十二卒宗黨稱爲純孝先生

傳慶貽字有積別號積所萬曆丙子舉于鄉丙戌成

進士授番禺令盡革羨餘贖鍰毫不入私粵俗囂
獷動以人命爲奇貨慶貽偶出聞有號泣聲羣惡
少咆哮于內亟入爲驗狀無他歸卽判牒開釋之
旋丁母憂百姓攀號行越日忽有伏謝舟次以織
縞十餘束爲從者資叱之曰吾爲若父母寧任若
德耶其人叩頭哭不起爲受其一以當劉公錢除
喪補宜興張弛惟宜民歌豈弟以矩方失貴人意
調陽春主爵者心知之旋調繁高要擢南戶曹三
月出樞北新關嘗語人曰凡官當以精辨爲職獨

權關者不狀須存得寬一分意思乃可咸頌爲仁人之言在宜與南畿分校所取士率名流如相國何公如靈其最著者也番禺陽春二縣俱此名宦本邑復流鄉賢

黃華秀字居約登萬曆己丑進士授韶州推官逮下仁明事上端執召爲南御史時東方有遼左之患中原有礦稅之興楚藩有小人之構草秀並極言之官暇從德興祝世祿寧國張應泰潛江歐陽東鳳及郡人李范兼駱日升爲讀書會相劇勵如諸

生卒于官不餘一錢諸公爲經紀其喪云

洪啓睿字爾介別號詵原萬曆壬辰進士授禮部主事職典屬國首發沈惟敬之奸疏大司馬石主和誤國繼畧宋應昌等扶同欺蔽復上冊立東宮救于孔謙陳泰來顧允成二封事署儀制時大璫以封爵爲請睿不肯與璫銜之及璫負罪始擢祠祭郎視兩浙學政章程約束無所貸轉金衢守憲約法禁戢蕩滌苛煩陞按察使治兵海上功績最著四明人建生祠尸祝不衰轉右布政攝符入覲凡

浙吏中蜚語者抗力昭雪所全善類甚多尋轉左
屬浙東饑浙西澇睿殫力贊襄捐俸佐之諸凡請
蠲請折請賑疏咸報可庚戌計典竣事遂決意乞
休歸任還山十誓誠子弟禁僕隸約里戚奉法惟
謹郡邑歲時罕所謁見惟窮交數人時相過從而
已又常以義急人之困甲寅乙卯泉中值水災見
金殍溝瘠輒愴然捐恤之居家淡約特以槩桶祭
器爲孝思追養第一義事兄如事父友愛性稍晚
而彌篤壽六十一終子承紱庚午舉人

洪有助字懋遜別號遜齋萬曆壬辰進士除南安司理攝大庾南康二邑一洗宿弊立徵收串票之法入爲工部郎守廣州以艱歸後補徽州徽地廣人稠財力所湊易動難調助以安靜御之郡人范公澐以清節聞嘗稱誦不置口大猾周道明者募無名內閣沈繼先假勅煽威所在騷轢助廉其狀以請臺使者竟不報助曰安有奉旨買墨而齎私鹽行乎吾爲國執法獲戾不恤也竟置于理擢憲粵東興釐不懈會丙辰大計舉卓異而助功矣助

恂長者卽之溫狀遇大事片言立決居官特
不事苛屑吏民畏懷之莫敢干以私子啓烜戊午
舉人

柯岳瑞字五衷領萬曆甲午鄉薦初令太湖有惠政
以最薦留部轉南河城隍南刑部卽中旋出守柳
州未任卒其在測曹時太湖民爭漕米餉之士有
依附門牆至不忍離者其感人類如此

戴廷詔字道階萬曆乙酉以儒士舉于鄉乙未成進
士授兵部主事兼理清黃冊清黃自被火後散失

難修數月之間編輯成次尋晉員外郎中出叅蜀
藩時土蠻爭立安氏隴氏干戈相尋廷詔入其地
爲勘功罪定支派咸服會蜀旱大饑捐俸賑貸莫
甦施給之民賴以活者甚衆瀘州舊有冤獄三案
久不能決廷詔至立剖之遷江西按察使時贛州
南安南康諸處皆盜賊淵藪廷詔陳防禦之畧飭
守備之具與巡撫議改折議減鹽稅等種種事宜
俱報可轉本省右轄入覲歸與同輩結社賦詩優
游林下十餘年卒所著有詩山草家訓寶鑑歷代

帝王紀等集行于世

黃翼登字學衡萬曆丁酉舉于鄉兩列副榜竟艱一第丙辰授鐸河南陞國學纂修實錄館史出知德慶州俗故雜徒刁悍里甲多包收逋負登下車設單剔釐宿弊一清轉武昌貳守會有解木總運之役不辭盤錯毅狀任之清慎自矢以稱職加工部員外卽仍舊掌事是時登以外吏內擢朝廷方倚重其才乃恬賦歸弗顧也登內行淳備尤敦孝友修譜系立家禮捐祀田泊狀家居無市閭之跡

公府之步卒年七十有九晚歲結社耆英與名流
唱和所著有尚書述解詩文集行於世

呂圖南字爾搏別號天池中萬曆甲午鄉試戊戌成
進士授中書舍人陞禮部主事行取浙江道御史
巡視皇城庚戌奉勅巡按廣西封贖緩卻謝金邊
疆肅如再按浙江旋以黨與忤異告病乞歸者數
載泰昌初起南京通政叅議復以艱歸天啓丙寅
陞北京左通政尋轉正使時璫箠方張有監生陸
萬齡等請祠璫文廟李映日等請加九錫封王俱

嚴駁不上懷宗賜勅有心事皎然守正不阿之語
加右都御史旋改南京戶部侍郎總督糧儲是時
白下艱食軍士聚眾囂譁變且不測遂上疏乞留
漕糧參拾萬不俟俞旨便宜給發奮狀以其身家
易數十萬軍民生命用是忤旨而歸家居十餘年
築白依洋清洋陂二水利鄉人賴之歲時閉影齋
居軼宕書史如武彙精異諸邑志俱與邑侯共
爲庚辰卒于家年七十有二著壁觀堂文集數十
卷行于世

陳應堂字獻甫別號景梅萬曆壬午領鄉薦戊戌之
進士筮仕十餘年出守潮州又二年將有遷轉之
命遂拂衣奉母歸絕意任進連母卒終喪或有勸
之仕者曰吾向以一祿榮親既奉母而旋願異矣
何官焉賦性醇和與物無忤與觀察學伊先後
美焉

傅國俊字有遴萬曆庚子舉人初任元城教諭課士
有聲擢國子助教尋轉工部司務督理陵工裁節
冒濫以忤魏璫且不調者數載崇禎初陞戶部員

外管理通州中南倉剩米千餘石悉輸公庾旋復
督理北京草場會中貴有欲中毒於前官者授以
意欲得賂卽爲排解俊不之悟也已而草盡湮爛
傾家以賠禍尚不測當事廉其狀得免歸優游
林下食貧數載怡如也壽八十二終

洪啓聰字爾達別號懷枯少孤稍長卽發憤攻苦母
史氏時以紡織佐之萬曆戊子舉人甲辰魁于南
宮退就郡庠之席晉戶曹主事主北新大軍倉瑞
方真率一切釐剔適有典試粵東之命乘傳亟往

一時吏緣爲奸反據所風侵以污主者逮試事甫
竣中途遭母喪力悲號奉觀亦無由以自白遂坐
謫已服闋思撫以報人乃勉出就判兩浙鹽政
尋以蠹剔課裕轉南樞曹討軍實繕器備一不易
其初焉留樞四年得馳恩贈其父母且例滿應遷
會同舍卽以事爲縣令所持令爲聰門下士恨聰
不爲解遂嗾主計者下石改聰池州司李尋遷都
察院經歷竟以勞瘁殞卒之日殮無完衣嗟乎聰
在計在樞皆不肯苟且以糜大官清釐稽覈各有

成效迺起而躡躡而復起已又復躡竟不獲大展也惜哉子承儒崇禎己卯亞魁亦其報云

李佺臺字仲方別號爲輿州守應先子萬曆丙午經魁丁未進士不樂州縣自請改鎮江教授遷國子監助教陞戶部主事歷員外郎中廣東右參議署南韶道削平九連山寇民賴以安陞雲南按州使有土官普名聲謀逆案多羅織悉平反之遷湖廣分巡荆西掃定江賊有捍禦功陞右布政月餘復攝荆西遷浙江加左布政分巡金衢修江山橋以

利往來尋實晉左布政歲荒倡義捐賑全活甚衆
報最得贈祖父如其官陞光祿寺正卿力辭不赴
賦歸之日兩袖清風家居淡薄茹約恬如也年六
十六卒於家子元祿順治辛卯舉人任昆陽州易
門知縣

王復熙字君舍別號

宋調章

熙齋

以更

庚申出守辰州時民方不靖慰方以安輯爲請
當道意適丁外艱歸辰民攀留者不絕於道服闋
補大名裁公費抑豪右立會課 治化煥然改

觀期年督學山東首拔皆名下士尋轉浙江叅政
庚午轉山東按察使未幾拂衣歸閉戶不與外事
興到自適聲色勝侍掖所罕御其應酬率諸未遇
時故交質行曠懷隨人可借所著詩文若干卷

王繼曾字孝侯別號原魯中萬曆丁酉經魁庚戌成
進士授行人擢戶科歷左右給事中時朋黨論起

繼曾毅狀獨立侃侃不阿熹廟中建白尤多疏俱
載名臣奏議中辛酉典試江西緣忤中貴外轉浙
江副使潔已愛民旋乞歸復起山東兵備副使擢
尚寶卿陞大理寺少卿晉太僕寺正卿廕一子入
監讀書戊辰請告賜馳驛歸家居數載益勵風節
凡邑中利病知無不言言無不盡人咸憚而愛之
爲鄉人濬水利賴以永濟年七十有二卒于家鄉
人咸哭之如父焉

韋綬字纈之尚賢孫也萬曆壬子舉于鄉署揭陽教

事振飭學宮勉勵士類見人有過輒諄切訓誡以故士皆洗濯磨淬翁狀有湖州風督學楊瞿唼心嘉之首列薦剡旋卒於官惜未竟其用潮士相與勒石以紀師範云

洪啓初字爾還別號葆原有聲子也萬曆庚子舉順天鄉薦癸丑成進士授戶曹出榷滸墅墅故有北關商困莫支啓初念一地兩關竭澤而漁甫受事之日卽疏請罷諸商懼忤舟蔽江而下羨金至萬餘悉籍上太倉戊午典試雲南所取士如雷躍龍

戈允禮陳奇猷李大受廖大亨皆一時名士滇苦
貢金飛輓繹騷商越地而採買官設處而卿移至
盤河漳瀉中流而斃者比比啓初復疏列諸苦得
旨蠲貢著爲令調駕部時東事失利初簡武弁選
伍長清占役嚴出入雖輦轂之下法在必行方振
刷有緒而以母喪歸遂絕意仕進與友蘇庚新弟
啓遵剖析先儒語錄諸書方應祚日爾還被服恂
雅造次於是端居湛思雲停淵著故心靡不肖於
理而腕靡不肖其心吳默亦云四聖有苗裔洛閩

有功臣語俱載刻集中所著有四書翼箋易經管
見行於世

蘇兆先字爾開別號在夢中萬曆己酉舉人己未成
進士授行人歷刑兵吏科都給事有直聲陞太常
寺少卿以忤逆璫歸崇禎辛未賜環卒于家贈太
常寺正卿

陳烜奎字子羽別號似園中萬曆乙卯鄉試己未成
進士任桐城令再調泰興操勵冰霜不苟徇上官
以干譽去之日甯縣咸勒碑紀績焉後補青州推

官直指使者凡有殿最必得其可否以爲重陞刑部主事奉勅廣東恤刑有恤謙疏剴切備至轉員外郎陞廣東肇慶知府潔已率屬賦法一清遂謝政歸肇人至今祠之烜奎素性坦蕩與人樂易不立廉隅居家以名園勝景自娛日與知舊談杭說稻足不履市當事者罕謀面焉卒祀鄉賢

黃夢松字茂卿領萬曆丙午鄉薦屢蹶公車己未以父命勉就教職登天啓壬戌進士授戶部主事癸亥以覃恩得邀貤封值外省解運至與戶胥夤緣

爲奸持月餘不以聞松廉其弊立置之法旋督謀
潞河胥吏聞之咸屏息夙弊頓清大司農重其才
每事必藉以綜理晉員外郎中歷數年如一日丙
寅轉寧國府知府寧故劇郡賦多宿逋松加意釐
飭日與士大夫講論時艱久之盡得所爲宿逋狀
雖蠹猾不能欺而亦不敢欺焉崇禎中於錢糧最
嚴考成松獨以賦完得陞浙江金衢兵備副使丁
外艱歸遂決意不仕買山歸隱輿論重之卒崇祀

鄉賢

何文龍字見卿別號潛菴天啓辛酉舉人壬戌成進士授大理寺評事以不附魏璫請假歸繼丁父母兩喪庚午服闋補左評事旋擢河南道御史丰裁峻厲執法不阿數月之間章疏數十上皆報可劾陝西耿廵撫不法狀坐棄市直聲益振會邊事孔棘以薦出僉憲陝西時同里洪公承疇爲總制器之事多委重焉掌兵備清軍驛傳鹽法糧餉數篆一切選將練兵飭防固圉興利除弊悉竭心力區處之又值歲凶饑民流離載道爲請兩院共捐貲

發賑全活者無筭會佐總制征戰堵禦有功方題
擢邊方巡撫竟以盡瘁卒秦中文龍平居惟酒是
御逮奉命入秦槩行屏絕有文信國遺風歿之日
囊橐蕭然賴總制經理其喪乃得歸秦民哭送之
蓋數百里不絕焉

謝玄珖字夏甫別號山持天啓辛酉舉人乙丑成進
士初令建平時舊令固循法玩弊滋珖下車冰蘖
自矢簿書手自裁決催科不假戶胥令里排納戶
自覓自納官徵官辭另貼水脚里甲藉以得甦詞

訟令原告自拘源源踵至案無留牘邑少縉紳惟
黌士頗稱囂競珖繫絕干謁只許其必不容已者
于朔望謁 聖具陳一委學師管攝多士咸畏而
愛之受事十閱月直指破例疏薦歲丁卯鄉試特
取入闈得雋八人四登黃甲以譽望調繁宣城宣
劇邑也賦重俗囂胥吏尤猾乾沒公帑至三千餘
金珖立燭其奸嚴振刷之宿逋以清有漕艘燬于
烽火旂卒逃竄時議以民丁代運人心惶懼珖力
請當事得報罷邑人士輯循政錄以誌不朽擢禮

科給事中所建白務重且大者如疏請慎簡閣臣
博求良將謂輔燾當先沃心不宜畛域將帥莫先
作氣善筭萬全及議裁督設撫之方籌邊防海汎
之要俱報可錄人名垣奏議中一時憚其鯁直遂
外推少叅督理粵東鹺務值海寇衝突闌入江門
珖詰戎繕器寇以浸平轉浙江憲副整飭金衢廢
二私監以釋寃民禽天罡會以安反側遇歲饑捐
俸勸輸招商發賑價取平而吏無奸全活數萬計
屢薦得遷士民相率借寇臺使者以聞乃晉秩叅

政仍留原任衢舊設兵二營以春秋防海汛值海
寇劉日奉突珧多方設險賊旋就撫兩院叙功方
擬優擢而盡瘁以沒衢人哀之如喪考妣焉父宣
卿以覃恩封禮科給事中爲郡鄉飲大賓者三
邑鄉飲大賓者五壽八十有四子廷桂應順治甲
午恩貢考授州同

王龍震字長甫別號起一中天啓辛酉鄉試崇禎戊
辰成進士授吉水令註最行取擢雲南道御史巡
視皇城奉勅督饒山西加意釐飭報解溢額以復

命薦舉忤權貴竟外轉處州僉事益勵冰蔡括民
爲立卻金館祀之庚辰舉卓異遷兩浙糧儲轉廣
東惠州副使率屬愛民人莫敢干以私尋推廣西
南寧以告老歸杜門謝客詠自怡年七十卒于
家

吳澧字孟濬別號長濤中天啓丁卯第二名崇禎戊
辰成進士授戶部主事監兌江西一指揮侵漁醜
蠹已經撫按責杖澧復繩以法諸奸股慄蠹弊一
清及指揮病故有忌其執法者因嗾其妻上控下

法司提問忘之者復揚其波竟坐謫歸林居十餘載足跡不入城市以農圃自娛朝議共推之起補禮部主事陞廣西提學叅議丁外艱歸遂謝絕賓客杜門自晦間與知交往來惟安步當車而已嘗曰今士大夫家居富者以池亭爲娛貧者亦以棲隱爲適未聞有食力農圃以自苴者吾鄉自傅錦泉蘇阜山兩先生而外不復見也余竊心企之蓋自道其實有如此者至于處家無戲言居鄉無失色人尤稱爲有道君子云

傅啓光字曙卿別號念介天啓丁卯順天鄉薦崇禎

戊辰成進士授戶部主事奉差密雲監兌蘇松常

鎮漕務權崇文門稅課朝夕飲冰釐革常例市人

德之晉河南司郎中掌省直錢穀會計必誠必慎

大司農畢公自嚴器其才委修度支奏議擢陝西

副使分守河西時三秦多警弗辭艱險疾驅視事

登埤設柵賊望風而靡總制洪公承疇上其功未

得旨遂以畫瘁卒于官所著有西征隨筆河西瓌

言及紀行詩集數種行世

張鼎涓字宗魯別號慕河岷府長史綱之孫也崇禎
庚午舉人庚辰成進士授行人奉差江南剪除擢
戶部員外清查江南糧冊必詳必慎晉兵部職方
司兼攝武選益加釐飭陞廣東按察司副使耑理
鹽法兼屯田水利時海氛竊發商旅以賦重難堪
逃散殆盡涓蒞任甫匝月釐革例其胥吏不敢奸
商乃畢集賦以無缺復搜括倉剩變價銀萬餘上
之朝以助邊儲凡一切興革事宜悉躬親之以勞
卒于官商人爲之護喪歸

陳履貞字喬嶽別號建齋崇禎癸酉舉人未成進士授戶部主事擢吏科右給事中立朝侃侃有古直臣風以給假歸旋值鼎革杜門謝客八年謀面焉壯年嘗遊武彞山見考亭祠宇傾圮倡捐修葺在安平復修考亭祠朝夕奉之益謹土平孝友凡菽功之親貧不自贍者咸衣食之出語有稱貸者無少恡亦毫無德色居常語人口口與人負我無我負人晚年閉戶著書食貧自怡課子晨夕而外無他涉也其介而能靜有如此

王龍賁字上白別號華燕少警敏累試擢冠軍補餼

崇禎乙亥拔雋領丙子順天鄉薦癸未成進士授

行人司行人奉使粵西時道途多警言事者難其

行賁獨自奮曰君父之命義弗吝辭遂之既轡慨然

兼程抵粵還報稱旨改禮部精膳司主事尋擢工

科給事中守正不阿直聲聞中外亦旋里日倚

戶與兄龍震披襟酬咏詩酒自娛年四十四卒于

家著有威香集頌爵編行世子之珂山亦熙巳酉

舉人

舉人

本朝名賢列傳

洪承疇字彥演別號亨九萬曆丙辰進士授刑部主事歷員外郎中浙江提學僉事轉右叅議江西兵備副使陞陝西叅政擊巨盜王嘉胤有功轉按察使晉延綏巡撫以平賊功陞三邊總制剿除羣盜幾盡尋召赴薊遼時邊事久壞承疇孤軍在外勢不能支

太宗破松山得承疇喜甚遂厚遇之使隸鑲黃旗是爲崇德七年也後二年

世祖嗣位之元年巨寇李自成陷燕京承疇從

帝入燕甚平禍亂入辦內院事二年王師下江

南復命承疇駐節江寧綏輯之撫軍馭吏鎮靜有
方五年代還六年己丑同掌會試九年與修

文廟實錄十年僞將孫可望作亂湖南加以兩廣
不靖雲貴未入版圖

上命承疇以閣部經畧五省事既入楚乃分鎮諸
要地開屯田備糗糧修城隍設水師爲持久計又
以取雲貴必先復廣西乃設一鎮于桂林一鎮于

蒼梧犄角守之使疆圉固而賊可徐圖之十三年
常德告警遂提長沙兵至衡州抵寶慶以分賊勢
名荆澧兵乘夜趨常德敗之以捷開十四年可望
果率眾來歸承疇上其事封可望爲義王湖南平
因並疏雲貴可取狀

上復命三道會師入貴州五旬而舉之定其地十
五年再舉入雲南 上益發廣西兵從間道出僞
將李定國來逆戰大破之遂平雲南區畫分防多
方賑恤使滇黔之民離兵革之患以登衽席者皆

承疇力也十七年以病乞休召還京師未至而
世祖崩

今上立 予告論功授三等阿達哈哈番世襲其
職康熙四年卒賜葬京師謚文襄子十銘順治乙
未進士現任大理寺寺丞

謹按公身不滿七尺恂恂儒雅而屢歷邊疆出入
行陣運籌決策功在社稷可不謂偉歟至王師入
閩其所保全桑梓者爲功尤鉅泉人立祠祀之其
有以也夫

南安縣志第十四卷終

南安縣志第十五卷

人物志之四

明名賢列傳

傅仁孚字志及幼聰敏通經史永樂二年以懷才抱
德薦授本縣學訓導陞大興學教諭孫凱見進士
李琪字廷璧正統初由太學生知蕭山縣廉潔公勤
興學校均賦役俗多溺女琪重法禁之後生育漸
繁婚娶以時民深德之奔父喪歸民泣送如失怙
恃立祠祀之服闋改廣西懷集縣惠政一如蕭山

時以老致仕

洪昌字汝言幼失怙鞠成于母攻禮經成化十二年歲貢授常州司訓經學純正議論高古嘉意作人另有課歲有會士子翁狀宗之尤長於詩文善草書時流咸推重焉

洪璽字朝寶成化中歲貢官建昌訓導日與士子課業講授不輟每至期咸設饌以待之性恬靜無求言遠色輕財重義在邑庠時家無餘積伯父貧甚分月廩資之卽歲歎不輟士大夫爲詩文侈其事

伯父歿哭盡哀喪葬皆力任焉

洪元字善至弘治初由郡學生入國子監辦事仕漳
爲將仕佐郎具文武才凡有劇務邑令必進而商
之咸得當一日過高坂橋夜有巨盜數十火劫其
鄉元率鄉人追之獲一盜曰劉虎鞠之乃渠魁素
知名者郡邑屢捕之不可得因欲窮治其黨元力
止之祇殲巨魁上之當事當事高其才識列之薦
章計超遷可惜日得也乃一病不起鄉人思之錄
金贈行大方循楊道會爲之傳

王疇字體範世耕紫帽之陰至疇乃以文學顯弘治中歲薦初董中峯現奇其文首拔之陳紫峯琛加嚴重焉不欲儕之朋輩其讀書多實體處嘗揭樊遲問仁三言曰此聖人可以盡性衆人可以盡分吾終身此三言而已故自壯至老無情容與人推誠無猜王公慎中嘗目爲令之仁人年五十艱嗣將司訓常寧琛勸勿往因決意不仕壽九十有四嘗自作誡聯云老夫勉爲君子年逾九十愧未成功諸胤期作賢人時趨後生猛加着力其實體多

如此四世孫廷選萬曆戊午舉人

吳申由弘治歲薦授諸暨丞欲赴任與一進士

安令曰陳華者同舟適中途疾革行李蕭朕由

貨以殯不青其報諸暨令以武宗南巡趨候觀所

申署暨二載修廢剔弊抑強裁例一切興革事宜

靡弗舉餘姚尚書王公華贈之曰當道有時稱鐵

漢富家無地役錢神狀以拙於諧世浩朕引歸後

令朱庭立從公論祠之名宦焉少司空何公喬遠

譜入八閩通志孫萬鐘封戶部主事會孫澧崇禎

戊辰進士

黃涑清字應萃河清之弟兩應鄉試不偶益勵志弗
衰事嫡母溫清奉養至老彌篤事諸嫡兄如事父
所分產業怡然安之嫡母歿迎其生母葛奉養備
至居鄉恂恂人咸以陳太丘方之前後督學嘉獎
其行賓請者三辭不至及卒蘇紫溪濬披其實而
詠之曰文行先生其學專主名理而古文詩章登
唐朱堂長子懋中以選貢判蘇州次子思諧中隆

慶庶午

沈洪苦學窮經平居不苟談笑在庠時有邑令傲虐
諸生洪庭謁面折以理令爲竦肱嘉靖中以歲貢
司訓增城執禮法簡飭諸生或致私饋正色呵之
諸生貧者捐俸恤之不少各督學張希舉延授其
子教以易學隆尊之以師禮後遷餘杭教諭革衰
服賀年之禮嚴賓薦索酬之禁風爲一變致仕居
鄉一以古道訓人爲鄉閭式年九十終

傅字寒字君咸稽勲夏器之弟商器之子也當伯氏
盛時不以貴价自矜屏聲色慎起居謝一切佞好

端情舉子業其治易以稽黷家學爲宗居恒謂文章徒弄筆舌繡鞏悅何益雖屢蹟場屋絕無搔首擧眉之態性逸馳善下遇侵凌避舍屢讓至公正發憤未嘗不勃勃往也嘗夜讀書雨中有怪或伏鳴草間或飛音屋際聞者驚爲不祥禳不去宇容按劍叱之怪隨滅蓋心事不欺雖鬼神猶將避之子國俊登庚子賢書戒之曰兒今出而涉世最爲世靈者莫如機心機事且毋論禍福其損德迷心可恥殊甚因誦鶴侶鷗群飛自閒世人何用費機

閱之句昔藉勲不能媚權相其真率意味大抵相
類李光縉銘之曰錦泉以彌天之望而抑於其官
錦里以震世之學而窮於其遇蓋爲宇容之父與
宇容惜也國俊今爲戶曹卽贈父如其官所謂不
於其身於其子者乎

傅翰表字仕志嘉靖中歲薦司訓電白時有倭寇翰
表爲郡大夫畫策守禦事平還齋舍卽與弟子闡
揚性命疊疊不倦以抗爭 文廟地忤一武弁明
年大計遂報罷歸與諸賢紳爲雒社會時條田畝

利病爲民造福少司農呂圖南爲傳甚悉曾孫曾
順治丁酉舉人松陽知縣

洪彩字中受幼孤事母傅氏至老無忤色嘉靖間賊
焚掠鄉村彩扶母不離咫尺偶急伏道側賊竟無
見母子獲全人以爲至孝之感云以嘉靖歲貢司
訓潮陽執經課業自鬻產以佐貧者兩臺異之檄
署普寧清獄祛弊茹蘗飲冰申裁濫役一百數十
名普人立祠以紀績焉陞福安教諭以艱歸再補
寧洋清執不渝寧洋士思之爲譜之名宦又特祠

東其不

有時藁以課子孫卒祀鄉賢孫孟纘天啟丁卯舉人全椒知縣

歐陽深唐歐陽四門之後少爲郡諸生慷慨好施嘉靖丁巳閩被倭害壬戌復合叛民數萬發塚以求贖人心洶洶時深已授泉州衛指揮提兵拒賊於筍江遣人諭以禍福賊率衆來歸者不絕深日以私財市牛酒犒賞之選其悍鷲者置左右不疑人皆感憤樂爲用明年春率兵攻賊施恩備等於東

田鄉破走之遂進剿青陽陳村下衝等處賊高老
遁又進攻韋老等殺二百餘人文追剿下渚等處
斬獲百餘級所至開誠招諭其拒命者即進兵剿
之於是賊首謝愛夫黃元爵及蘇光祚康大福等
聞風喪至獨江一峯李五官等尚擁衆萬餘遁深
遣人諭解其黨力督千戶王道成百戶白希周分
道追剿生擒江一峯李五官南蠻老施思備王二
千李三直等百一十八人獻俘斬于市泉郡始寧
諭功進行都司其年倭破興化城盡掠金帛出據

平海衛伺舟出海軍府檄深應授兵次東蕭與賊
戰斬首百餘級乘勝直進賊來援者衆深與部士
薛天伸周岳鎮等血戰皆死亡事聞詔立祠春秋
特祀贈昭毅將軍錄其子孫世襲指揮僉事深嘗
目書唐詩云家散萬金酬士死身留一劍答君恩
至是果如其言子模登嘉靖己未進士

柯元登字思善温州教授信之子少聰穎與仲兄元
應並爲温州所器旣而元應獲售而元登數竒逮
紀意進取怡然自適朝夕惟手一經杜門課子而

已爲人忠厚淳樸與物無忤人以此多之以子有
妻貴贈戶部郎中孫鳳韓崇禎癸酉舉人廷魯
溪教諭

洪有秩蚤以文行著隆慶戊辰恩選恂恂葢光一教
樸厚以孫承疇貴累其子啟熙並得馳贈蓋其遺
遠矣夫洪於武榮望族也烏衣子弟其誰不侈
秩則矯狀俗外卽所受獎識如姜鳳阿蔡見麓皆
海內山斗秩自視敵狀竟斂其有餘以屬之後人
蓋明經中卓有古大臣之度者有德良報固宜其

遠且厚也

黃懋

中字有及河清之姪也萬曆丁丑選貢入成均

大司成呂公濱溪與山陰王相公成器重之以屢
躋京闈廼赴銓授封川令邑當兩粵孔道供億類
繁懋中出俸貲以佐役費凡舊例一槩革除遷學
廟復學塘魚租歲給師生秩滿擢判瓊州念親老
不欲渡海移檄歸養直指王梧岡力止之未幾父
訃至服闋補蘇州判掌織造鹽局一切常例毫不
苟取署吳縣有大獄久寃繫者沈佐倪臣商海雲

等懋中慨然釋之三載報收堅意乞休兩臺壹之
薦剡不爲少挽歸家鍵戶著書不問外事有司相
知厚者亦弗干以私自號谷谿子取老氏爲大卜
谿大丁谷之旨以自寓云初年與林紫溪李文節
溫晦吾柯十臺劉國徵爲文字交意氣相勵文節
解相家居數與論文年九十三卒封川士民請祀
之名宦焉

黃思詔字有從河清之姪也萬曆己丑歲貢廷試授
訓導乃慕陶靖節遺風飄然不仕爲鄉興革利

病修萬石陂水利至今邑人咸賴焉一意課兒孫
嘗曰古人有鑄鐵硯警園木者爾輩可自懈乎子
一良登萬曆庚戌進士以丁父艱歸哀慕不輟卒
于家孫日耀登萬曆丁酉鄉薦年纔十五衆咸稱
奇云

傅履約字則會由太學任涿州判仁慈乳哺人以佛
子呼之改判德慶州委署四會有議增戶口者條
上其額俱無餘欠所增悉爲蠲免民甚德之陞中
都留守經歷歸事繼母以孝聞父病侍湯藥不解

百五景元
卷一五
四二一
帶帖席者數月處兄弟怡怡無疾言遽色邑令扁
其堂曰清廉孝友

黃中久萬曆中以貢士授上杭訓導擢廣東感恩令
廣設餘艋備盜有稅璫徵及感恩中久言之臺使
者曰感恩不能當瓊三州十縣之一鄉柰何從諸
縣乎請爲計丁米均徭役民賴以安值歲祲設法
賑濟縣樸以鄙中久倡冠婚喪祭禮時進諸生而
教之以病乞歸民百餘人詣撫按請留兩廣巡撫
歎曰此真感恩矣朕竟歸

洪有觀字懋政由萬曆壬寅恩貢授遂昌司訓端方
式士士咸化之陞僊居知縣未赴以憂歸旣補定
南冰蘖自持紳狀績未四載而致其政家居怡
然自適嘗以養廉之典告諸親知居室數椽僅蔽
風雨而已其儉而能廣如此祀遂昌名宦

陳安民字崇儼天啓乙丑歲貢歷任浦城長樂訓諭
陞福州教授訓士惟謹轉益府長史解組賦歸杜
門著述教授生徒多士皆字之門人登甲榜者二
乙榜者三皆一時知名士焉

傅檄字寂夫真率廓落自擬彥方有逆施者恬而應
之嘗曰我讀書覺求己自反此義終身受用不盡
其諄切庭訓亦惟以此以子貴得馳封守岷歛迹
一如曩時談稊說稻視溪翁園叟嬉笑袒裸自若
也至其博記不忘澹於貨利視人甘苦如其親嘗
則尤天性云子文龍登天啓壬戌進士授大理寺
評事擢御史遷陝西僉事豈非其厚報歟

黃喬石性篤孝父喜放逸好賓友喬石必豐具以待
時蒙譴呵長跪以請得解而後已以父病遂輟舉

于業究心岐黃父卒獲壽考又推及其餘貧病者藉以存活尤多且藉步算法萬曆初隣邑編丈未清者因請其法以竣事課子夢松夜分不置萬曆丙午領鄉薦天啟壬戌成進士授戶部主事督計洛河貽書曰吾居恒以不及弘濟爲恨爾必勉之逮守寧因復貽書曰郡守于事最繁于民最親非巷尚書即可爲優遊藏拙也爾必爲百姓造福蓋訓督峻切類如此延晉封中憲大夫歿而里請特祀焉

傅禛字勵夫幼奇穎

薦禛益勵董惟事

父社宴侍

觴侯酌如陳大丘故事

族議以其子

嗣禛謂有妾

庶

送

無之成立性挺

直翫麟無隨

因得足恙竟

以是不

黃承芳字

心相

切劇天

結弟

南安縣志第十六卷

人物志之五

宋隱節列傳

黃子中南唐前鋒將軍福嗣之裔少游場屋不遂歸
休林下自號南陂處士工詩有南陂集劉天麟題
其後日自嘆苦吟詩不老羨君詞氣凜橫秋爭如
兀坐茅簷下得見凌雲五鳳樓

梁公護字湯夫東平丞相適孫李文肅公兩壻也晦
跡不仕隱於靈秀山風節高峻詩翰清美

黃登字君涉少游上庠與陳覺民有研席之好及覺
民守泉未嘗干以私卒覺民誅之謂其窮經耻受
一命學道深造大方蔬茹如享太牢燕處若奉五
戒張讀亦日以隱君子云

李亢宗字子能朱文公門人

黃謙父命人郡學習舉業謙慕朱文公學特來受業
焉

趙彥慧字凝遠馳恩得官不取真西山欲以逸士薦
辭焉有靖節年譜二卷古錦囊春臺詩話行世

雲瑞字文叔以父廕得官不調取印曆大書歸
來詞號宜休有耕烟小集

翁定字應舉年四十不應進士舉日與諸名公爲詩
文交所著有瓜圃詩五卷

南安翁者不知其姓名漳州陳元忠客南海將赴省
試過南安營投宿翁家見其茅茨數椽竹樹茂密
人時稱曰南安翁翁雖麻衣草履而舉止談對自
別視其案上六經陳印之日翁誦予讀書乎日種
園爲生耳亦入城市乎日十五年不出矣少焉二

子歸捨銀緝客翁進豈羨享客不復共談遲明別
去陳以事留城中翼日見翁倉皇而行陳追詰之
口翁語我十五年不出山今何到此日吾有惡事
問之乃長兒於關外鬻果失稅爲關吏捕送郡翁
與次兒偕詣庭下長兒當杖翁懇白郡守曰某老
鈍無能全藉此子贖給若渠不勝杖則翼日乏食
矣願以身代次兒曰大人豈可受杖某願代兄三
人爭不決次兒附耳旁語若將有所請翁叱之郡
守疑問所以對曰吾父原係帶職正郎宣和間累

典州郡守詢勅在否兒日伺作一束置甕中埋于山下守立遣交隨兒往取視之果然即延翁上坐禮謝次日往訪之室已虛矣

呂七十四不知其名呂晦文文奎之侄幼主入闈七十四率日能千人迎而從之幼帝義焉封為恭懿侯食實封于戶縣是黃氏曾氏各以千金至幼帝崩杜名隱處遂終其身焉

元隱節列傳

諸葛泰隱居好學遂於志

初修編 大全多取

其說云

明隱節列傳

諸葛麟嚴厲方正持身孝義母病篤夜分稽顙其
封股藥之父沒哀毀踰禮踊絕方甦

諸葛選其叔訥夫爲永嘉司訓無子以次立選爲後
訥夫沒選以其所遺產業與兄弟共之日吾嗣叔
氏豈利叔氏哉歲時祭祀曲極豐
謙和儼淵鄉里敬愛

傳善童

黃鉞登正德丁卯鄉薦終身不仕講學蔡文莊之門
爲東南弟子師

黃淑清河清第也自號鹿江漁者棄諸生入山耕讀
非弔喪問疾不出邦君賢大夫禮之不應也其言
曰大丈夫不能進而堯舜其君民卽當退而堯舜
其身心若以田野巾服奔走官府買隸而入賣口
而出塵容俗狀能不汗顏者幾希矣邑令顏容端
與之善旣以艱歸淑清貽書曰今俗以仕宦丁艱
爲放假蓋謂歷官日多不能肆縱只一居喪爲暇

日利田便舍肥肉美酒言出莫違意者群應入耳
驗目大都如此耳昔呂東萊在艮講授陸龜山已
議其非何古今人不相及耶執事學有原委定是
踏定一步也著有燒江集其詩文皆本性情意之
所到托以自達而格調尤高歿後人私謚爲信修
先生

黃元謙嘉靖間永春呂尚四南安陳子洪等剽掠鄉
社有赤鬚兒者元謙從之而往從之元謙伺其歸
執之會族告祖責以大義投之水中出而殮之曰

從賊當死吾弟當殮也子洪擁衆至執元謙細致
壘中露刃刳之元謙瞑目曰寧死肯從賊乎子洪
怒亦投之水中

嚴開嘉靖間寇亂與其父兄俱被執賊縛其父將焙
之開痛哭請以身代已復欲焙其兄哀請如前賊
黨相顧曰爲人子弟如此尚忍殺之乎因併釋之
徐行愷習醫授徒于末春蓬壺山嘉靖末倭賊掠境
村中巨姓呂尚四呂伯三潘文儒林文煥等率衆
擊走之用是自負頗有異心倭謀薄郡兵備萬民

英檄蓬壺鄉與同安民兵往剿兩兵不協大敗歸
呂伯三等俱死衆方憤甚已又檄縣追蓬壺衣糧
尚四等因結盟倡亂詩山褚鐸亦應之突入永春
劫繫囚執永春令林萬春去萬兵備遣百戶王道
成往擊之賊佯降并執道成勢益猖獗行愷雅與
呂潘諸家善嘗以醫入賊壘時林令臥病行愷謂
尚四曰君出令就醫我家我不敢失許之行愷因
密以令肯號召諸里正又察其黨有悔心者約爲
內應會尚四等攻德化敗歸行愷謂令曰可矣部

分已定佯入墨看病潛約王道成出夾攻之火灼
齊發諸脇從者皆反殺賊尚四等奔附倭盡爲所
虜德化官兵至因擯以爲功行愷不自列賞亦不
及復歸郡城以醫自給尚四之敗於德化也其兄
弟有呂伯一伯四者逃入德化與其令張大綱叶
義攻守萬曆中觀察陳學伊爲行愷及潘文從呂
伯一伯四立傳曰四義士云

蘇璿字孔璣邑治登賢坊人喜岐黃術有秘方求藥
者無不與亦不受直人皆德之

傅新養字汝成嘉靖三十九年倭寇發養捐貲募兵
破賊詩山賊驚遁復從仙遊犯永春永春典史侯
爵蓬壺義士尤濂約兵合攻之養中伏矢被執妻
王氏姪君和皆被執去養仰天大呼遂自刎及寇
平邑令夏汝礪永春劉三錫德化張大綱共旌之
曰名門義士恤其家

傅晚遲字廷勉五歲父陣亡母王氏被獲百計求死
賊知爲新養妻壯其義而歸之遲孤母寡艱苦萬
狀王氏嘗病遲密割股調羹以進後王氏病愈

宋女德列傳

呂氏者光祿卿琦之女也適張徹爲妻徹卒誓志不二值歲荒施粥食饑者焚爨卷幾萬緡撫子道登進士第及卒端坐不亂轉之使胡師文爲狀于朝表之

傅氏者徐伯嵩妻朝散郎烈之父兄也伯嵩登仕終邑令家貧親老三子皆幼傅奉舅姑治喪葬悉中禮携子依舅氏學學成

以寧銘其墓曰婦也丈夫母也嚴父

元女德列傳

方氏名義楊真祐之妻生子光澤次子光俊妾陳氏所出也年二十二而寡與陳氏誓同守志撫訓其子比於桑鳩後二子皆孝事方享年八十餘

明女德列傳

蔡氏字端謹文莊女弟也歸黃逸逸以總邑賦赴京道卒氏年二十有五一子存實方在抱獨處一室三十餘年接兄弟不踰闕非正禮未嘗登堂晝夜

績維撫遺孤而教之有司以節聞詔旌表

陳氏名珠適趙文文歿氏年二十三

姑欲奪其

志誓死不從杜門機績以資朝夕營葬

祭教子成立壽八十二終嘉靖二十六年旌表

葉氏邑諸生傅廷雅妻歸二年夫歿舅姑先亡遺姑

叔四人皆幼氏守志撫育拮据百狀族人無不歎

服年六十餘終萬曆二十六年旌表

李氏六娘者陳振翰妻也年十九而寡遺孕四月忍

死守志生男撫誨成立縞素終身動循禮法敬素

宗廟孝養舅姑中遭兵燹闕關避難人稱爲女大
夫云年六十七終有司廉其事請於朝萬曆三十
八年旌表

蘇氏 彰德知府蘇士潛女司寇茂相女翁也年
十七歸傅禧光嫡 朝夕省 不無居歲餘

遂病卒氏晝夜 入口者 尋請

爲立後遣侍 於父兄歸 以 學家

三謂之日兄 子使 取

所以餘

僅九日萬曆三十九年旌表

戴氏者晉庠生戴鯉躍女也痛夫有秩蚤世恐一
決以爲其易者廼茹荼飲痛晝夜能祈穀悽嗣
以報君子蓋六十餘年如一日後諸孫相繼蔚起
事聞詔旌表之

以上俱已 旌表者

李義姑年十四父誼誤陷大辟姑哀毀上訴竟不可
脫時母兄先歿二弟一姪皆幼姑拮据撫育各臻
成立異時里媪有來言伉儷者姑笑曰吾已營丘

龔矣年八十卒海上稱爲貞孝義姑

黃玉真適夫吳聰溫恭孝敬舅姑甚鍾愛之未三載夫歿無子黃斷髮示以糜他父母欲奪其志泣曰人所以異於禽獸者以有信義也今夫死肉未寒而懷貳心殆狗彘之不若矣吾寧有死耳父母知其志不可渝從之竟以節終年七十有二

傅氏細娘字溥麟妻也溥麟歿氏無出惟妾有三子皆稚氏哀慟幾絕永蘄自守視三子如已出辛苦鞠育以底于成舅姑與夫之塋域皆自經營

以辭不足凡夫之遺業守無所失人以爲李
賴傅氏而有後

陳氏者庠生蘇希之妻也嘉靖甲子爲倭所執義不
受辱乘間投水倭斬之矛屬愈亟遂與幼男俱死
周氏名婉姿適吳欽遜五年而夫亡僅一幼孤方在
家貧父欲奪其志周曰吾不知書而知從夫耐澹
以紡績自贖以壽

莊氏者黃欽祥妻 既歿 姑處其登寡 莊
以身自誓蓬頭垢面治女工自給撫二子長厥初

年十九而夭次厥仲娶陳氏生孫密未踰月付後
入陳年二十三姑婦抱一月兒相嚮哭已復相慰
保育孤兒竟成立迨密長有子莊顧陳喜且泣曰
吾與汝異日可以見夫君矣年七十終督學副使
劉玉禮旌之

余氏浙江西安人夫洪慶爲四川合州儒學訓導
幾卒余年二十四誓以死從時值寇亂人皆逃匿
余獨抱二孤守柩不去或以家窘諭使再醮余厲
聲斥之自是深藏勤女工積其所業者賣以營葬

教育二子文昌俱底成立後以壽終士大夫嘉其烈扁其堂曰慈節

林姆恩者戶部郎中林性之女鄭陽時妻也少隨父宦邸通小學諸書及古嘉言善行既歸鄭生一子維嶽數進妾媵於前維嶽既就學母佐之讀日讀書非但欲曉字句而已當觀古是何人能如此也陽時兄弟折箸時不無相構姆恩讓之日兒之佳惡豈在財哉平生不通官稅一錢日食土之毛而闕其稅是皆有神明勾籍焉老而紡績不衰每舉

敬姜之言爲諸孫誦子維嶽萬曆丙子經魁仕至
曲靖府同知

吳氏者黃思通妻也初有遺橐於門者拾而藏之亡
橐者去遠始覺反而索諸塗大呼天曰此中白金
七銖珥墜一雙迺驚一女以入官贖父罪者今二
命休矣吳聞疾出擁與之亡橐者祝曰無以報媪
願天賜媪所少者是時吳尚未胤其月遂孕生子
翼登舉孝廉仕至武昌府同知贈父如其官母宜
人人以爲還金之報云

黃氏名淑坤故生員陳民安妻也安遭危疾氏籲天
祈代安歿三月一子復殤淑坤哭辭夫靈囑夫第
勉學以繼兄業遂就縉觀者如堵無不淚下闔邑
縉紳士民各赴弔誄以詩文縣令扁其門曰烈光
寰宇

史氏者永州守朝富仲女洪有臨妻也幼能誦女訓
內則諸篇及歸執婦道唯謹大役之歲脫簪珥佐
有臨賑救有臨故羸以省試不遇憤恙成疾卒氏
年方二十五哀毀骨立守一子啓聰洎聰官戶部

史爲謹扁鑰閉出入聰欲具疏請旌史遽止之其苦節不求名如此

李五娘適夫林毓蘭蚤夭無詞哀慟欲絕其翁勉以立孤大義姑緩死後翁又歿殮莫營葬併穴其右以拊夫魄時夫庶弟喬馥家耗落又僅一子不得繼氏飲泣以待者十八年及馥再舉子氏迺告族定嗣而後辭於廟口婦事畢可死矣絕粒者旬有三日不死迺沐浴更衣投緘自盡侍郎何喬遠嘗爲傳至比之漢蘇武宋文天祥崇禎五年邑令李

九華爲顏其廬曰女中程嬰

許三娘者石井許宜良女孝譽國村女弟也許聘王
酉忠未及門忠以奔父死粵東女番爲心動卽以
凶兆私之嫂悲羞不自勝六月訃果至女悲愴屢
絕號訴于母曰愛我幸許我死卽不許而防我亦
死願孰與死王義也願履王門而死焉母嫂姻戚
曉譬不可得其姑至亦無以奪約歸招魂而後迎
婦女不可卽隨姑往望門而哭拜姑成禮迺執旆
導魂設位奠哭刻期就義辭姑辭靈辭內外姻戚

春容閒適登榻就纓是秋苦旱至時天雨如注山
陰繆伯昇弔其廬而爲之祠邑人楊榮題其柱曰
識心不待識面粵嶺閩關冥會九京牛女殉志原
非殉名圭山石井直房一脈夷齊

陳氏故司訓黃思詔妻也詔病逾數月氏旦夕侍藥
不離左右詔沒哀慟欲絕誓以死殉時嫡子一良
成進士未歸氏遲其歸與訣逮小祥先令具棺衾
至日備拜禮家長及諸親屬已過拜詔几筵畢引
棺自經顏色不變時年二十有七

周氏郡學

黃鍾聲妻也夫

氏年二十七號

而幾

絕遺

治絲給食舅姑繼殫竭乃殮葬

淚血翳眼者累年既子鼎象爲祗翳復明撫院黃公扁其門口完節動天士大夫咸爲紀傳以子鼎象貴馳封太孺人壽九十

尤氏廉州知府尤拔女也適泉州衛指揮僉事歐陽承第年二十承第以襲爵奄逝於途其子瑞曾未及暮氏聞訃痛絕誓以死從既勉承憲副八山公立孤之命孀守四十餘年孝事尊嫜賓祭饋助咸

當其懽課子愛而知勞既襲祖職教之以忠瑞曾
以游戎廓清山海懋著膚功皆母訓也覃恩封恭
人督撫朱公額獎之曰竹栢貞操

王氏年十七適洪沂甫周歲而夫歿遺腹一子氏以
婆婦食貧而承翁及繼姑之養族戚憐之給以改
適氏誓死靡渝勤女紅以襄不及持忠厚以遺
孤足不踰闕卒年七十有八

許氏許聘傅帛未及婚而帛歿計未至氏先入夢而
駭之坐以待旦涕泗交頤父母怪而詰之氏以情

告語甫畢而訃至遂慟哭失聲却茹飲數日以死
帛之姪傅璣仕金吾參軍欲表之而弗果其族兄
弟傅陽春陽明爲之記

本朝女德列傳

傅氏名敏娘適趙胤芳芳以病卒氏年方二十有二
無嗣因痛夫柩未厝矢志柏舟奉姑數載葷腥不
茹與姑共守幼叔圖繼厥後及順治十五年三月
爲夫措窀穸於祖墳之旁葬畢旋囑云當爲吾留
一席之地卽訂女伴以四月廿七日來相訪亡何有
豪弁欲奪之志氏卽語姑曰夫第雖未婚娶漸及
長成吾今得死所矣姑與其母力慰之氏佯應諾
夜潛自經於後園橘樹下時順治十五年四月廿

七日卽氏於葬夫之越日所預定期也是則氏之死固不關於豪弁明矣死之日邑諸紳吳澧陳履貞各以詩旌之而洪垣星復爲之傳焉

李氏名瑞娘邑瀟潯鄉生員李覺之女適蔡應選生一男過歲不育應選以順治甲午補晉邑弟子員乙未春遂得疾氏奉侍湯藥衣不解帶者幾閱月彌留之際許以必死亡何應選卒氏日夜痛哭絕粒者四旬餘旣畢奠廼以其志告乃父父故爲微辭諭勉之日子信有志但家門不幸乃有節烈且

弟子以戴經雄文壇一時知名士咸取

孝友天植恂恂惟謹與其兄履鏞恪守庭訓

風雨從少妻長弗少衰順治丁酉長子亶登

居身愈約矢志下惟愈力同里薦紳吳澧謂之

羣自身而父而祖以逮厥子家學一經世種其

篤學力行尤稱靡倦真不愧有道儒風也引與

申鄉黨之訓崇樸黜浮鄉人化之相戒勿爲傅君

所短其取信於人有如此者今其子亶令浙之松

陽廉能有聲是亦家訓之遺云

藝文志小引

文至今日待歟盛矣昔家楨而人標之雖累車不能載也余茲志南安則惟志其爲南安者而已故言有關於邑治則錄有裨於風化則錄其他如名山勝槩題詠所及足以樂全邑於片楮亦攬勝觀風之一快也作藝文志第九

藝文志之一

序

龐使君宴邑中赴舉秀才於東湖序

唐歐陽詹

貢士有宴我牧席公新禮也貞元癸酉歲邑有秀才
八人公將薦之于闕下古者相覲相祖有饗有宴
饗以昭恭儉宴以示慈惠二典爲用鮮或克兼諸
侯升俊造於天子遣之日惟行鄉飲酒之禮則饗
禮也肅肉玄酒莫飲莫食公念肉不使食則仁不
下淡酒不使飲則權不上交方欲激邦俗於澆漓
致民人於德行而賢者仁未伊決才者權未我交

其若蚩蚩何秋七月與八人者鄉飲之禮既修乃
加之以宴鋪移已膳醞出家醞求絲桐匏竹以將
之選華軒勝景以先之後一日復有東湖亭之會
公削桑梓之禮執賓主之儀揖讓升堂雍容就筵
樂通作而情不流爵無筭而儀有肅踰踰焉濟濟
焉於是老幼來窺盡室盈岐非其親懿則其閭里
皆內訟而誓遷善焉嗚呼行其教不必耳提而口
授移其風不必門扇而戶吹公斯宴則風移教行
其闕矣真盡心竭誠致主化民之宰也煙景未暮

酒德俱飽有逡巡避位而言曰夫詩者所以美盛德之形容君侯因片善附小能迴一邑之心成一邑之行昭吾人恭儉於嘉饗示吾人慈惠於清宴迴人心成人行周孔之才也昭恭儉行慈惠管晏之賢也不有歌詠其如六義何是日人有其棠類宮之什客有天水姜閱河東裴參和潁川陳爾邑人濟陽蔡沼佐贊盛事亦獻雅章少子公之趾幸鼓微聲先八人者鳴棒亶伺徹時在公之側觀衆君子之作遂作卜商之後書其旨

金溪泛舟序

宋傅自得

紹興丙子八月十一日携酒榼被謁朱元晦于九日
山向晚幅巾藜杖相與徜徉于金溪渡頭幽舟共
載信流而行老蟾徐上四無纖雲兩岸古木森然
微風搖動龍蛇布地溪光山色隨月照耀遠近上
下更相輝映殆非塵世境界朱子曰樂哉斯遊乎
舉杯引滿擊楫而歌楚騷九章聲調壯大潛魚爲
之驚躍栖鳥起而飛鳴予亦諱東坡先生赤壁前
後賦以和之每至會心處輒遙起相獻酬時常飲

酒率不過三杯皆大醉至是連酌十餘觥而月愈
好舟愈快氣愈逸飲愈豪興愈無窮酒且盡幾舟
岸側命老兵貸錢于酒家保函挈一盞來解維復
去洗盞更酌少焉斗轉參橫風作浪湧余曰樂不
可極將安之耶鼓棹而還會宿于東峯道場明日
朱子賦詩以紀一時之勝次韻爲謝殊恨筆力衰
退無傑句以稱清遊也

文徵私志序

明李廷機

黃君有及與余爲文字交有年矣君在庠負文名藉

甚不得志於科第以選入太學積資出爲粵令繼

擢姑蘇郡佐滿

三載當之京時余爲南少宰貽書

與予謂我將賦

歸矣予以書勉之云君資望已深

曷需之當入爲

京秩不則且典方州此時歸未晚

也余今亦倦且

還矣將從予於清源九日之間耳

子姑待我顧未

幾而君果來歸兩臺代爲請得子

告予歎君果不

負所志非謾語予者歲辛亥予自

內閣蒙恩賜歸君

時家居十載矣相見懽甚且謝

踐盟言晚焉君時

過予山庄相與談往事嘗欲借

國朝實錄觀之云

向在長安相邸中王對南先生

曾以全書發予訂

正汗漫未能悉指歸今再求觀

將以摘而錄焉予

謂實錄浩繁予既無力而以好

忘自棄遂不及抄

于休矣且君負良史才何不取

郡邑志雌黃之以

憲今啓後實錄不必觀可也越

數時君書來謂余

有所修南安文徵私志蓋邑志

久廢姑修之以備

野史以其副授余觀之且屬予

序焉余謂君備史

家三長而不得任編摩之責以

窺金匱石室之藏顧退而著于邑志其叙述典雅

卽公爲信史可也曷私焉顧予自乞歸以來棄筆
研謝絕文請久矣不欲破余戒爲君叙之狀觀君
所自敘其意微矣體備矣何俟贊焉乃君亦不欲
強予姑相與論訂而題數語于編端使他日有賢
士大夫請而傳之知文獻之有在也君安得遂私
之耶因題以復黃君君字有及晚更號谷谿云

崇德祠序

洪垣星

進士

武榮舊無城創自我夏侯始越百餘年城以壞而復
完則自我祖侯始上世士愿工樸商慤女憧熙

朕安堵也武榮猶有古遺風焉故諸郡邑皆有城
而武榮獨無迨嘉靖之季倭寇 訐遍地岨 而
武榮乃苦無城夏侯涖茲土爲 創之

從而祠之用報功也迄今關 民猶頌

迨丁亥 甲午七八年

而爲 遁去邑之人

焉亡 虎橫行者且

謀勸輸於里老咸

中歲朝之

陝陝

百塔皆興較之尤壯

以安夫民爲邦本固邦寧古哲前之矣

創斯舉也實與古哲有同

五十九

僅

不日成

過是

父老相

有

修明聖教則之効忠國

祀之今祖侯興復城墉以爲民

兩兼之矣

捐修文廟爲

藉社

以修明焉則祠之也其誰曰

定鳩

目計

約費三百餘金富者効貲貧者

輸者惟恐

後里語有云今之死於寇死疫

財者比比

有也而獨不能死於貧武榮民貧已極偏得邀庇

於賢父母卽我輩自多難以來瀕死者數亦幾幾

乎以貧而幸免所賴賢父母之力尤居多焉始

所謂不能死於貧者乎豈造物者別有深意將

云勞苦空乏拂亂動恣者其謂是歟則相率

輸也又誰曰不宜而况夫比閭之衆

花

恩或以義有不吝自後者乎

侯也以報功也朕功猶有涯德無涯也今之祠
侯而仍因夏侯舊以經始也雖夏侯亦藉祖侯
而蓋彰焉匪惟報功以崇德也爰額之日崇德
祠志亦可乎後有同心者應其 之是爲序

藝文志之二

記

南安新城記

明黃養蒙

進士
侍郎

凡郡邑之有城池所以宿兵守民禦防奸宄古之制也顧承干之世視爲迂緩而識治者每先之南安居舊爲武榮州後改爲邑以隸郡郡之屬惟南安居上游爲郡襟喉地最重而要當元至正間以罹兵火僞寓郡治嘗一議築城而罷明興垂二百年又嘗屢議之而又罷蓋自先朝以來休養日久民生

不見兵革故議者咸以是爲過計嘉靖戊午歲倭
人犯且急先令涂侯光裕申議舉行未就會賊破
縣民居蕩燬於是天子震怒易置守土之臣涂侯
以謫去而廣右夏侯汝礪自通城簡來代侯至撫
狀曰城固當築雖勞民亦侯道也乃力以請于上
官咸狀之於是度地正方程工計費維時兵事方
興公私告匱首請發公帑之羨約得金七千有奇
而餘則以闔邑之丁田與稅地之金濟之羣材胥
具衆工畢集侯乃躬率士民祇告于神曰汝礪承

簡命守茲土夙夜爲民祇懼肇建斯城所有敢狗
私者神其殛之又合士民輸之曰余爲南安用圖
永逸凡諸勞費非爲若厲所不與同心者共棄之
復申飭于衆曰惟茲大事盍慎厥初惟石必巨惟
土必固惟基必深乃庶其無後悔于是執役之徒
受命罔敢不恪經始於嘉靖己未秋七月以辛酉
四月告成其垣墉之堅厚完固皆足以垂不拔而
臺闈雉堞之峻棟宇闢闡之崇又皆煥狀華麗重
威肅觀下逮城壕馬路堤岸橋梁與夫防禦之具

莫不綜理經畫曲得其宜蓋自是南人樂旃幪之
庇而百世享金湯之利矣余嘗綜其始終以爲侯
之功其不廢者三而其難有四始邑遭倭患民庶
流移井里蕭條自侯城成而民還故業世享其利
是功在南邑一也邑距郡十里凡薪蒸粟米之費
郡所取給諸邑者皆由南安而達自侯城成諸邑
通道郡無咽喉之患賊亦不敢西向而窺伺是功
在郡城二也永春安溪德化皆僻介萬山賊至則
羣竄郡城人多積少其勢易困而難久自侯城成

可以捍蔽諸邑賊有腹背之虞則不敢越我而攻是功在隣邑三也朕當侯之始事民多不便或則謂邑多水患茲舉必罔功是其爲說善能惑人若是者難郡惟晉江附郭諸需皆晉出而利於協濟者則欲入邑於郡曰是可與晉併力固守且多省費于時一和羣咻而持議者方盛其氣力以相撓若是者難遭時誦乏大工遽興急之則胥怨以讒又叅以不與者之心則其說易行而讒易入若是者難興事之初不免壞室廬毀田地存此傷彼則

不無不平之憾而怨謗由生若是者難夫侯履孤危之衝際此衆難之會使其心少一疑阻未有不爲其所怙而奪者而侯獨斷狀爲之從容周悉竟以成功豈非卓爾有立者哉侯旣擢守福寧邑之士民相與建碑以頌侯德而以記來請余因備列其始終之端以付諸石使人知侯所以成功者其難如此侯姓夏諱汝礪鄉進士廣西融縣人

南邑祖父母築城碑記

清龔必第

進士
推官

武榮故豐州地濱海依山夙稱淳厚舊無城創自夏

侯汝礪始嘉靖之季倭寇內訌廼以三十八年已
未秋興工越辛酉夏告成閱今百有餘年邑居聚
落安堵無恙壬辰春關東祖侯蒞茲上敬上撫民
百凡勵精沐浴歌詠者非一日甲午冬寇氛匪茹
變生意外城之壞蓋似有氣數焉侯目擊心側議
築斯城爰酌諸里役計見年之丁米扣全年之供
應以克工資而卽以下年接役焉上無煩于公帑
下無損乎錙銖遂不日報竣殆若有神助者侯經
營謀督心力俱殫周遭行視劃若鬩若雉堞門樓

如舊隆肇倍之邑父老爰鑿石以頌侯遺愛竊心
慰焉經始於丙申正月初五日告竣於二月廿日
爲門四聳以高樓數如之爲敵臺六爲炮臺百七
十有六爲堞子八百五十有九高二丈七尺週圍
九百五十九丈木瓦灰石之材以數計之縮椽度
削之役以工計之費實不貲狀皆情暢衆擊誼切
樂輸頽頽馮馮遂用成城昔人云衆志成城今也
衆力成城夫用力之難也百倍於志則能用其力
猶之能用其志也今我侯能用其力兼能用其志

焉以是知我侯豈弟子惠之深而吾邑風俗淳厚
之猶仍舊也是爲記侯諱澤茂號滋淵歲進士關
東人

重修南安縣廟學記

明黃養蒙

南安學宮舊在邑治之東宋紹興中邑令劉孔修改
于邑之三都元至正中令李宗閔復于邑之東址
既而以廟學逼討司仍復于今地國朝因之嘉靖
乙酉邑令顏侯恢闢舊基改作新廟壬寅節推葉
公奉令建啓聖公祠于廟左己酉邑令唐侯改築

雲津橋翼以毓後應奎二坊中鑿泮池潮匯其中
邑學遂爲大觀戊午己未倭寇煽亂民居盡燬惟
學宮巍然獨存蓋異數云是時學官寄寓郭內洒
掃弗常廢墜益甚其侯來令于茲乃週視學宮喟
然太息以爲廟貌弗肅神人異處精神氣脈之用
乎非所以安靈而育士也迺調度用費課工擇材
於是廟宇煥然一新官有廡宿士有肄業克復舊
觀師生輩因來請文以記其成竊聞之學也者所
以學乎其心也心者人之所同具而常患於不自

知先王詩書禮樂之教能順而達之非能強其所
本無也士生其時周旋揖讓於詩書禮樂不離乎
日用躬行而自得其道德性命之實其論而選之
也足爲天下國家之用而未及用者亦無躁進競
取之嫌流風所被雖衰季之俗猶有先王教化之
遺意焉噫何其盛也三代以降漢人講經術崇師
門數傳不變若董仲舒之春秋京氏之易伏氏之
書王式之詩終身立朝議論奏對不出乎一經之
中而取予進退率能自度於禮義其風節猶足以

懾外雄而奪之氣安可以其訓話牽滯而少之也
至宋諸儒發揮義理之精微窮極道德之根本語
學術則果游夏論治功則陋漢唐似乎其過之矣
朕考其所樹立多後於漢而事功更不逮者何也
無乃利祿之途既啓則得失之患已深議論之功
日勝則躬行之實益微故天下國家未有以收士
之實用而當時之好議論者亦未見有以用乎天
下國家也大虞廷之告戒精一之外無數語而所
交警者惟水土工虞百穀之事寇賊奸宄之憂而

曰孔門之教性與天道則罕言之而所告語者孝
弟忠信居處執事子臣弟友之道豈不以百工庶
績固精一之所寓而庸言庸行卽性道之所存歟
今之工文詞以取科第者既不止於漢人訓詁之
陋而高明者則又剽宋儒之緒論以附於道德性
命之微夫道德性命之微皆發明其所自來使人
歸宿於實用今者躬行講說岐爲兩途不能忘情
於富貴利害之際而欲自託於道德性命之微此
其用心乃與學者締章繪句以鈎取利祿者等耳

且道始於愚夫婦之可知而極於聖人之所不能
盡今必求工於聖人之所未言而所行未有以服
庶夫匹婦之心烏在其發明夫子之道哉甚者欲
廢舉業而言道德立已見而誇獨得所言者非其
所用好名之士靡然從之使言之而是也已非夫
子從周之意而况乎其未必狀也故六經之訓具
在而諸儒之說已詳有志之士不患乎言之不精
惟患乎行之不力誠使因所讀之書反求其所言
之理守所習之業以究其所施之用爲子言孝爲

臣言忠在官言政在士言學內不欺己外不欺人

所謂道不遠人親親長長而天下平

者在是矣若夫紛紛於異同之辨汲汲於功名之途則非所願聞也今邑侯之亟亟於修學宮而勿敢後也夫豈無意歟是舉也費凡百有餘金出於公帑之羨罰贖之鍰而佐以書生之義助役附廟民工以數百計堅緻牢實視昔倍之皆其侯克成厥終之功也侯姓其名宮江西餘干人鄉進士在官修廢舉墜績多別紀

南安縣重修學宮碑記

清劉佑

自皇畿至於郡邑皆立學而祀孔子非特以尊崇先師亦將以萃處一方之俊士使之朝夕肄習其中成德立業以備國家之用者也若狀則堂廡齋舍庖庫器具羽籥于戚經史書傳必備必具始有以居士子而勸懲其率教不率教者顧自古治少亂多民力困於輓輸雖通都大邑徃徃不能備物以故學宮雖設止於春秋釋奠以應故事而其所謂教化之實究未有能行之者又况乎僻陋下邑

財賦告訕之世也哉南安雖爲泉郡巖邑而城垣
湫隘不足以立學校故前賢相土宅基獨建於城
東三里許吳亭山之陽負山面水地理爲優唐宋
元明以來迄於今日名卿碩士代不乏人朕南齋
厨噐用于羽書史之類不備不具不能如古教化
之盛也康熙甲辰水溢爲災門庭廊廡半付波臣
所存者僅聖殿六楹耳余於己酉之冬書疏告募
而學博應君國貢董其役於是戟門掃星大殿兩
廡以及啓聖文昌金星閣名宦鄉賢兩祠漸次復

完雖一時屈於物力廣文舊署未及營建狀較之向日敗瓦頽垣觸目蒼涼之象則亦大不相侔矣嗟乎士生今日其亦猶幸而被詩書之澤不淪於固陋其亦不幸而不出於古之世得破先王之教修德勵行不區區見長於文詞也余生平讀古人書竊見古者教化大行之世士行狷潔民風敦樸私心嚮而慕之以爲苟叨一命當必興學育賢敦崇教學雖不能如古昔盛時亦庶幾使一方之人移風易俗不染於舊習之汚乃待罪於此且三年

而學宮一役尚未克竣事豈廢墜已久爲之必以
其漸歟抑余涼德薄植不足以感格羣心而使之
樂從歟博士應君國寶諸生某某等請余記之余
辭不可得乃爲書余之所慨慕修營之月日以遺
之後人俾得漸次修葺備物廣教以躋此邦人士
於三古之盛是則余之志也夫若夫捐助姓名尤
不可以無紀茲故併刻碑陰以示來者

重修明倫堂

明呂圖南

先王之教民也甚簡而其責之士也甚重夫士也才

視民則敏也而心猶之乎民之心也先王設教於
道寄士於教羣天下才俊於澤宮而廣造之春夏
秋冬以爲期而詩書禮樂以爲業管籥羽下以爲
器而擊戛拊奏升降俯仰以爲容若是其備者何
也夫子固曰民可使由之不可使知之夫有可由
不可知之民意必有能由而能知之士矣知與由
合則由爲知之寄徑而知爲由之精微知與由分
則知將爲滑性櫻心之具而由且爲狂瀾叛道之
端此聖人所以有可使不可使之說也使之由其

所可由而不使之知其不必知夫非士之責乎哉
又孰有切於人倫乎哉齊之華士魯之少正卯所
稱畸士聞人而太公夫子疾而去之若恐後太公
猶曰以尚功興不容以虛名蠹功實夫子溫良恭
儉讓何不能容一有譽之大夫而斷斷輒類申韓
之刺乎豈非以不臣不民之倡無以率世而僻堅
偽辯之言行徒以扞衆取黨哉士民之望也望隆
而隆望替而替要使之全其可由可知之人而已
大學四子之旨也其初章曰在明明德在親民德

無有。該倫者明德無有不明。倫者本明德以明。倫則不特道同俗。民與民親而明明者之心。旁

皇周俠亦無有不與民親矣。天德王道同條共貫。

此不責之士而誰責哉。孔孟當時所歷羣國自王

公大人卿士陪隸所為君臣父子夫婦昆弟朋友

者舉可知矣。朕而平日所誦詩以告衛靈魯哀梁

齊勝宋之君猶皆以達道九經孝弟忠信井田學

校為首稱而極。至於談論邪道無父無君堤坊之

不遺餘力。固不以世衰道微而少變其學問也。聖

賢若口明於其道而耳目之所存固有目擊者矣
率於其教而手足之所約固有舞蹈者矣由其所
設之教而成其材由其所成之材而交相爲教代
有偉士相託以無窮則聖人以三代特斯民之心
也吾故曰先王之教民其簡而責士甚重也知先
王所以責士設教之心則知吾李侯所以重修明
倫之心矣侯生於道學之鄉而廉簡溫仁民信之
久風範既舉文獻肇興手取久缺殘廢之邑乘而
次第成之又以爲顯道章教在于五倫于是以其

有本之學問賁人文而觀化成輯新學宮之明倫
堂費出諸俸期不以迫訖事之後其堅密壯麗視
昔有加侯非徒以了藻飾黷宮標修文之故事已
也侯誠加意于士也乎夫今日之士後日之縉紳
至縉紳而君臣之倫在肩矣肩遠而途岐漢臣有
言士修之家而壞之天子之庭夫且有修之天子
之庭而壞之家者壞之家而父子兄弟夫婦朋友
之交又舉可知矣并其君臣者亦可知矣此誰非
可知可由之倫而弁髦之也嗚呼尊其名於見

知聞知之接而徼其實於愚夫愚婦之下天以淑
人維世之權散寄於天下之爲士者天又以淑世
開世之權寄於天下之最士者斯先王建明倫
堂之慮也斯李侯修明倫堂之慮也南安之士自
是有興乎侯姓李諱九華江西瑞州新昌人戊辰
進士董修事者訓導陳慎從福建漳州龍溪人陳
君道貴州安順府平壩衛人

石井書院記

宋熙元剛

直學士權
總管舍人

古者家有塾黨有序國有學若遠而近所寓皆教故

十君子行人人有之世世有之時入春秋魯洋鄭
校不絕如絲一經羸暴埽地亡幾漢室開學迨今
百世狀豈必曰京師郡邑而亡哉亦惟崇廢起墜
猶幸不泯嗟夫吾先聖之道與天地並赫赫巍巍
天下用之天下之功一國用之一國之功一家用
之一家之功可嗣而敬於地何擇後之所以日不
逮古者教化之畧治教之虧也昔龍江有書院寢
久弗葺唯廟像僅存開禧甲子余始議復或者難
之余喟然曰教化之地不加其詳而病其畧今之

所病乃畧之故聚廬萬里徼福緇黃重堂突屢經
營恐後設一儒館遂駭觀聽寧有是哉繕修以來
于茲十載建安游君絳貽書曰石井居郡之南亦
號多士距郡學二舍負笈者告病日聞予漸做爲
肄業之所太守邵武鄒公應龍狀其請捐公帑四
十萬以倡漕船二使者郡之貳車鄉之秀民咸以
資助爰相茲土面三峯會衆流厥基崇敷倣規制
殿於中堂於後爲齋者四杏壇築於西序之前祭
器藏於東序之左又卽堂爲別室以祠二朱先生

三門列峙繚垣環周簷楹層複凡三日楹公私經費合四百萬瞻養有田肄業有舍釋菜之儀攷士之式大畧可覩矣經始庚午之冬訖工壬申之秋若時司存期會束濕鰕方郡國不怠是圖不惟不敢亦且不暇微賢太守孰主張是淑人之功遠矣願文以記余思是役也請之者不憚從之者不疑卓狀有見實獲我心天下如石井者凡幾使請之若而人又從之若而人則學校如林庠序盈門將使是民爲三代之民矣書之何辭

重修南安縣秩祀壇廟記

明王慎中

進士
泰政

南安唐侯爲政之期年補助興廢既有以佐民之愆
使樂其生狀後教之以相親睦收卹之義服習戒
令蚤避而鮮犯邑以靜治乃始用其力於所可勞
而社稷山川城隍之祀以次修舉棲主之壇安像
乏廟繚壇之墻翼廟之室木擊石密樂頌壯麗與
夫齋舍庖區各得其所如新作狀而噐服之有事
於祀者考之法式無有不備其財之所出則民相
勸以多寡期以集事而止數入不待會而足各執

其役以赴所事嚴侯之命如嚴于神訖事之集侯
未嘗少見聲色既成相與鼓舞歌詠以樂之莫有
以爲病已者方未事之初侯以朔望之謂春秋之
祠有事壇廟肅恭蠲潔介神之聽顧其傾壞剝蝕
蓋愷狀有意矣益究度其所以勤於民者至於期
年而後知其時之可也茲役之舉果以不勞而成
侯復有事於神牲肥酒清苾芬通徹登降奠獻始
卒有容肅潔之誠有加於初神益顧饗靈貺昭答
民來瞻視嘆慕悅喜祥氣休寧疵癘不作侯懼後

之廢其事而卒無以相民也乃來請記夫祭之爲
義深且遠矣其最著而易知者以爲民而已有水
旱之過則社稷可得而變順成之年蜡始通焉此
其易知較狀者也民之所求乎上不越憂樂欲惡
之端而憂樂欲惡生於安危得失之際先王圖民
之所以安爲之聚其所必得其始必在於居與食
彼有欲惡之情起於微則祝慕驩嚮以迓其來嘻
嗟咈蹙以送其去亦理之必狀者也而彼不可使
明者民也故立之祭焉使其望之於不能知之表

而常冀之於可有獲之間而祝慕驩嚮嘻嗟涕寔
之情有所寄而無淫越壅閼之患此其明之之術
而所謂鼓之舞之之教也天子以命諸侯諸侯以
自建其國未有廢此者朕君之所以致力於民則
有政矣取于歛散勸董誅賞所以與民從事皆散
於社竅於山川以爲降其施設出於仁義之盡而
感通動於精誠之極王帛之沈療血毛之割瘞猶
其文之所爲亨而非義之所存也至於風霆霜霧
迭出而有節暘雨寒燠之行不失其時以相民出

作入息寒衣飢食之求無弗得所樂而不逢其殃
則以爲神之所爲而不知其政之出於仁義有以
導播嘉祉攘却乖凶其始殺之而降者終執其權
以助其能彼不可明者徒以爲神之所爲也民之
所以與神交有祈有報以奉歲事之常滿其祝慕
騷嚮之欲而雩禴祭禳之禮雖設其名具其儀以
待將以宣其嘻嗟咈蹙之情爲之求去其所惡而
卒無所用之是政之所爲貴上之所以得尊於民
而君子之所以藏身者也昔之學於孔子之門者

蓋講之矣曰有民人焉有社稷焉他日復以事鬼神爲問嗟夫是猶未免惑於幽明舍其所以治人而謂有可事之鬼神則所事者將在乎玉帛血毛之物齋沐薦徹之節而取予歛散勸董誅賞之施於民以爲有司之法而已果如此則所以治人而辨且嚴蓋府史之能其齋祓祇敬之接於神明何以異乎祝巫之所執蓋其義失而教存則賢者不免於惑而況於禮樂廢缺器數既失之後吏不學道而有土與民是以卒無善治而民亦不可得而

使而唐侯獨能奮於今日其出於政者未嘗不貫乎禮而著於祀者未嘗不通乎事侯其學道者歟故子樂爲之記且使繼侯而來者有寤而不感勤民而不爲府史之政敬鬼神而不爲祝巫之禮而民之永有相也其亦侯之意也歟

修社稷壇記

明李九華 邑令

南安舊有社稷壇不知何年更爲南址崇禎五年春季鄉老洪世臣以復舊制請余竊惟土穀皆滋於永若南其位則不免過燥從舊爲是卽以世臣董

其役工不日而告成諸鄉老有請石以張大之者
余竊愧焉勉誌其一時爲民之意以釋好事之議
云爾

南安縣龍鬚巷雙井修復刻石記

明黃養蒙

南安之山自雙陽西北行至蓮華峯又折而南向面
于大溪轉換如龍之變邑治據其高阜儀門之外
關二逵以通往來又鑿雙井以便民汲故老相傳
堪輿家名二巷爲龍鬚雙井爲龍眼肖形取象術

家之說不可知嬰之古者建邑居民溝涂井巷之
設皆有深意然後可以蕃民育財鍾美孕秀歷歲
既久二巷爲民居所侵僅能尺許淖穢傾積不可
以行所謂龍眼井者攷之郡志惟云九龍井在縣
之東龍眼之名實本于此西井民屋其上浸沒已
久志亦無攷丘侯來令南安旣以善政和其民乃
陟相降觀以度民宅謂附郭之地民居日稠勃鬱
歎蒸之氣當預有以宣洩咨訪故老尋二巷故址
而闢之廣以八尺爲度翼以圓閘南折而達于通

衝砌以石基以防侵移東井仍舊而濬之新鑿西井以配于東深廣如之於是憑高以望邑宇嚙嚙而昂聳民居櫛比而鱗附掖道夾而內屬井泉洲而上出老幼嗟嘆以爲大觀夫道第不行春秋所譏改邑不改井太易所著故宅民者相其陰陽之和辨其方位之向審其經術之端通其水泉之利此政之大綱也侯於茲舉可謂知所先務矣於是士民相與刻石以大復古永詔後人

平寇碑記

明鄭

普

進士知府

海巨寇曰阮其寶四師老林剪毛者十八種爲患於
閩浙交廣間二十餘年嘉靖某年四月掠同安少
嶺嶼被執者二百餘人小嶼遂墟掠東石圍攻
深滬而惠安屬地則一歲三四至民遭殘毒視北
擄尤甚吾郡侯習齋程公至卽講求所以禦之之
計白之監司建會兵館于城南治戰艦數艘募水
兵千餘人分遣文武材官截守諸路是年五月阮
其寶寇圍頭統二十餘舟吾縣二丞馬一洪指揮
孫廷槐實承侯命發四澳兵船攻之侯下令曰能

得賊者賊所有悉矣與之又曰汝勿浪擊勿妄殺
無罪民乃用命五月二十一日與賊戰於小嶺南
岸自己至申破其三舟獲賊三十餘人賊退保草
嶼是嶼萬石所結峭聳孤出忽夜聞有聲爭鮮雜
遠避乃風浪交作舟悉衝沒爲五月二十八日也
賊黨奔遁阮其寶獨攜共舟者八十餘人屯嶼上
以覲援兵然烟火已絕勢將自斃先是石井鄭汝
暢張本應數人爲賊所執至是歸且以報侯侯命
馬丞發舟攻圍之戒曰此窮寇也毋深逼之六月

初一日舟四集賊度不能免輯殘謀遁衆令擊之
斬其寶首級獲其妻妾并賊徒番子浮屍蔽海餘
黨先後奔竄指揮張文昊守涪州盡索得之械送
侯庭者二百餘人次日賊援至已盡殲矣未幾林
剪毛復合黨寇蓮河方揚舟爲登岸狀其酋檣忽
表心惡之乃自焚其舟而去是月十八日寇晉江
石湖又寇蚶江民爭奔憩候復命馬丞宵赴集諸
社有力者百餘人自隨披甲上馬約曰却而願者
死衆力倍奮遂手殺賊獲十四人焚二舸賊乃遠

適民以寧候恩戰苦之民於是親行海上召諸效
命者勞以酒肉張十一張尚魁身被數鎗命至庭
而慰賚之登石井墩臺料賊所向詔諸父老曰浩
浩乎波濤之大渺無際涯涪州一山逆流高出此
天地造設爲環海藩屏賊難突進且非潛伏之區
爾民務自爲守緩寇相應且申諸戎之令責諸迨
事者使前後無可乘之隙則爾屬保無虞矣嗟乎
羣醜煽禍天道所厭至仁溥羣生幽明咸賴我侯
得天之威平禍之易一至於此積威敷德之效何

容言哉不肖家居是地目擊戰功敬將目睹輯爲
實錄庶頌功歌德而後之觀風者或有樂焉